


UMUNTU WASHIPIKISHA

 Namutotela. Kuti mwaikalako, pakashitafye akanono. Munjeleleko paku mileka ukutwalilila ukwiminina ngefyo, lelo bena bacikwata umulandu uwacipamfya lintu Nacilaingilafye, eico Naciba uwakumona kuli ico. Ica “kupamfya” ni lintu bena baisa kuno kabili bafilwa ukubwelelamo. Ifwe tulesha ukubamona palya penefye, pantu bena teti bekale.

Nde elenganya abengi balasunguka ifyo ifwe tatutantikila umulongo wabaku pepelwako ukwisula konse ku cintamba. Na likwata ubukabilo bwakucita ico Ncita. (Mwamona?) Iwe ufwile wa byala ulubuto cibe taulakwata icisabo, mwamona.

Kabili nomba, ibukishenifye, ikateni ifitupa fyaku pepelwapo. Umuntu onse nakwata icitupa caku pepelwapo. Onse umuntu uulefwaya icitupa kuti akwata cimo. Lesa nga cakuti acisuminisha, ifwe tuka mipepelelako lintu tatulafuma muli uno musumba. Nga cakuti cena cikasenda imilungu ibili ukucita ici, tu—tu kacita ici. Eico nomba mwi bukishefye, kabili ukwikata ifitupa fyenu ifya ku pepelwapo, leteni abena mupalamano benu kabili nabonse abalwele, kabili lekeni bena bapoke icitupa ca kupepelwapo, icakuti bena bapepelelwe.

Lelo Ni nkвата umulandu ndecitila ici: Intanshi, kukuula icicetekelo kabili ukubyalala ulubuto. Kabili nomba, panuma mwakutuluka, lintu mwaisa mu mulongo waku pepelelwa, muli nokwishiba fintu muleishila. Ine nalimona ici cacitwa nganshi munshiku shandi isha kupepelela abalwele mu yapitapo imyaka ikumi limo na isano, ikumi limo na cine konse konse: abantu balabutukila apapene pa cintamba, na, ukufuma mu . . . mukuya mukubombelwa ukwapamfya, batila, “Ine naumfwako bwino, lelo. . .” Kabili nomba munshiku shibili panuma yaico bena batila, “Ine. . .Nde elenganya Ine mfwile. . .” Kabili bena bali noku yababombela kabili ici—ici—ici tacili napo, mwa mona, cena naciya. Kabili bena—bena tabacikutulwike ici, kabili tabeshibe ukuti bena bafwile ukukwata icifwile u—u kufuma muli ico. Kabili—kabili benafye, taba kutuluka.

Imisonkano yandi yaliba iya kwangufyanya mukucilapo, ndabutuka ukwingila kabili ukubutuka ukufuma mu musumba. Bumo pali ishi nshiku, nga Lesa asuminisha kabili Yesu akokola ukwisa, Nde fwaya ukwisa mu musumba umo kabili ukwikala pansihita iyalinga mpaka Na leka abantu bamona fintu tule esha ukucita: I Mbila yakwa Lesa ukuya ku bantu. Ukubafunda mubushiku bumo, ulucelo, icungulo, icungulo bushiku. Kabili ukwikalafye.

Imo inshita ilyo aba, ifwe twakwata bonse (ilyo bena tabalekwata ukupuputulwa mu misumba ya shinguluka), kabili na onse kapyunga, icakuti ena enga twala abapilibuka ku bantu...ku ma chalichi. Mwamona, Nsha kwata chalichi, iyo...Nji mininakofye bonse, kabili ukwasha ukutuma ba membala, uko konse bena benga fwaya ukuya, ico cili kuli bena. Icintu icikalamba: Bushe nabafyalwa cipya cipya? Bushe nabeshiba Yesu Kristu ngo Mupusushi wabo? Nomba nikasunga wa ng'anda ya beni ukumusenda ukufuma palya nomba, mwamona. Lesa ali nokumupela amaka aya kumutwala ku nshila afwile ukwendelamo. Kabili iyi nincito yandi ukubalangishafye kuli Kristu, ukupepelela abalwele, ukubetila amafuta kabili ukubatwala kuli kasunga wa ng'anda ya beni. Eico nomba, balinokumona pa fya shalako fyonse.

Nomba, cilemoneka kwati amabumba yesu tayale angufyanya. Nde sungukafye nga cakuti ni...Nde ibukisha inshita yapitile muno mu Kansas, twafililwe ukusanga incende iikalamba iingalinga ukuti tu babikemo. Eico Nde sunguka: Bushe—bushe ninshita yakupuputulwa, twishile panshita ya lubana? Nangu ninshi, ninshi icitike? Nangu, bushe abantu nabafuma mu citemwiko na Kristu? Nangu, bushe na, naba lufya ukucetekela muli ine? Nangu, nde elenganya bushe cinshi? Na lishiba Ni nkвата ukubombela pamo ukukalamba, pantu Na mona pa—pa—pa—pa mitantikile ya mibombele na ba kakumba ba ba Assemblies, naba Church of God, nama chalichi ayapusana pusana. Kabili bena...Cimo icintu calilubene.

Mailo munshita ya bushiku, Shikulu nga asuminisha, Ine kuti...Ine kuti nafwaya ukusunga i Mbila mu mibele ya anguka icakuti onse umuntu a—a kakutuluke, na ba...balya bena abashinga kwata ukukutuluka. Kabili nomba mailo munshita ya bushiku Nde fwaya ukukwata, icaba nga, imbila ye landwe lisuma, iyapa Cibelushi ubushiku.

Mailo munshita ya lucelo ni Mbila Yapwililika iya ba Shimakwebo Abaume. Kabili Nde tontonkanya ukuti pali ibumba lya bena abekele muno. Wena mwikulo wabo. Nda basoselako mu fyallo fyonse. Kabili ukwabula ukupita mu mbali, Nda senda icitupa cimo mwi tumba lyandi, kabili ico ca Mbila Yapwililika iya ba Shimakwebo Abaume. Bena bafuma mu filonganino fyonse. Uyo emulandu Ni nga kwatila icitupa cabo, ni pamulandu wakutila teti Na ndefye ukutila, “Ndi waku Assemblies”; “Ine ndi waku United”; “Ine ndi waku Church of God”; nangu...Mwamona, ico caposa lonse ulongolo ulunono Na kwata, ku kabungwe kamo.

Na licetekela ukuti abana bakwa Lesa balisalangana konse konse. Bena baba—bena baba konsefye. Kabili lintu Na ishile kuno intanshi (nifyo fine, mwa lishiba ukuti Nali waku Baptisti), kabili lintu Na isa kuno ukuba pamo naba Pentecosti, abantu ba Mbila ya Pwililika, ukusangalala mu fyakupitamano

ifya ku fyalwa cipya cipya, kabili ulubatisho lwa Mupashi wa Mushilo, na fimbipo, Na tontonkenye ukutila, “Ifyo efya bapangile ukuba ba Pentecosti.” Nsha ishibe ukuti caiswilemo u—u tulonganino utunono utwabo, lelo bena bakwata utwingi nga fintu ba Baptisti bakwata, eico... (Imwe ba Baptisti mwlikutuluka ukuti kwaba ba primitive Baptisti, freewill, hardshell, na yonse imisango yapusana pusana.) Eico Ine ninjisa pano. Ine natontonkenye ukuti, “Ukuba, ‘Pentecosti’ ipilibula icintu cimo.” Ine nanomba nalicicetekela Ici. Ifwe teti tupange Pentecosti ukuba akabungwe. Te kabungwe, cakupitamo. Imwe mwamona? Ico nacilungama.

Eico, twalikwata amabumba ye senge ayanono, amabumba, kabili nafimbipo. Ifwe tatufwile twapusana umo no munankwe, lelo, inshila bena...bantunsefye, Nde tontonkanya... Na lilanda ne shingi intungulushi kabili na fimbipo. Nshile tontonkanya ukuti caba pakati ka ntungulushi, Nde tontonkanya ukuti cena cabafye, umo umuntu aingila aimyapo icintu cimo. Ico cilifye nga fintu Satana afwaya ukucita, mwamona. Nga mwatwalililafye ukuilasa cila umo no munankwe, imwe tamulelasa ena. Nga cakuti twapilibula ifinso fyesu uku noku, kabili ukuyafye tulelasa pali ena, Chalichi cikalamba icakwa Lesa uwa mweo kuti caisa ku malangi Caiko; Kristu kuti aisa. Ine nincetekela ico. Ena alelolela ifwe ukucita ici. Kabili Ine nalyesha pamaka apo ninga pela, mwi kumi limo na cine konse konse imyaka mwi bala, ukweshu u—u kuleta ico pamo, ukumona yonse imitima ya ampana nga umo, yonse amatenti ayatanikwa ukutoloka no mushilwa wa mupaka.

Nga fintu Munyina Grant asosele, panshita iinono yapitapo, kulya ku Texas (Ine nalikwete umusonkano na ena.), kabili ena atile, “Munyina Branham, Ine—Ine nintemwa ilyo itontonkanyo.” Atile, “Iwe nawishiba, ici cilenjibukisha pa mwaume untu...bamo abena mupalamano, bena bonse bashitile ifibata, kabili—kabili cila umo afibikile mu filindi baimbile umo babikile amenshi umwa kwangalila ifibata ku lukungu, kabili noku bika ulupango ukushinguluka cena.” Ena atile, “Ukuba iwe nawishiba, yaishile loka no kuloka,” (Imwe mwalishiba fintu Munyina Grant alanda panono panono.) atile, “yalya amenshi yali mufilindi yaile yaleninika muli cila lupango mpaka yena yaimine pamulu icakuti yacilile ulupango,” kabili atile, “ifibata fya sambile konse ukushinguluka.” Fyena tafya isalilwe nakabili. Eico Ine ndetontonkanya ukuti ifwe kuti twalekafye umukuku wa mapalo yakwa Lesa ukwima no kwima, mwamona, mpaka ifwe twaba mu kamana kamokene, nangu, bamba umo wine. Nangu cibe ifyo, ifwe twaliba. Amasambilisho ayanono kabili ne fintu fimbi efitupatakanya ifwe. Lelo pakuba abana bakwa Lesa, ifwe twaba pesamba lya Lupwa lumo: ulwakwa Lesa.

Umwaume umo alikwete ibala lya mataba pa nshita imo. Naumbi umwaume alikwete ibala lya mataba. Kensha wa ndeke alepupuka ukupitapo, nokutila, “Moneni amataba ya uyu umwaume, kabili na mataba ya uyu umbi umwaume. We mabala lya mataba ukuwama.” Yalya amataba yakonkenyepo ukukula kabili ukukula mpaka panuma ya kashita akanono, yena yakulile ukutoloka umupaka, kabili ukupanga ibala limo ilikalamba ilya mataba. Eico Ndentontankanya iyo enshila cifwile ukubelamo. Tufwile. . . Ngacakuti twakulako panono. Lelo apo ifwe tatula kula tuli nokuba kunse. Lelo lintu twakula, tapali nokubapo ubulekano mwibala. Tuli nokuba ibala limo ilikalamba. Lesa fikilisheni, bulya bushiku, ukuti Ndi nokumona ico ilyo nshilaya.

Nomba, ibukisheni umwikulo wamailo uwa Bashimakwebo uli nokubela pa . . . Bushe nipa Ramada? Nangula, [Munyina atiila, “Holiday Inn.”—Kale.] Holiday Inn. Pa Holiday Inn. Kabili bonse nabetwa. Kabili Ndetontankanya bali nokukwata ama tiketi kulya, nimunshila nshi, inshila yonse iyo bali nokucitilamo ico. Kabili neyo Mbila Iyamwisulo iya Bashimakwebo Baume, kuli imwe bashimakwebo baume, pano, muli bumba ilisuma ilya bantu. Ine—Ine ndemweba, Ndetontankanya umuntu onse uwakwata i Mbila nsuma iyapwililika afwile abamo mulya, mwisenge. Cena cintu icituntulu. Balikwata ifintu ifisuma. Kabili pamo Ngefyo nabebele (Ndabalandilako ku calo conse), lelo, ilyo lyonse bapanga akabungwe ukufuma mulicena, kabili bapanga ilinga, nomba ninshi icitupa candi kubwekeshamo, uh-huh, Nshifwaya ico, Ine. . . cena cifwile ukuba icakaele kumuntu onse.

Eico, namwishiba Yakobo aimbile icishima, kabili abapelishite bali- . . . mubutwishe ukufuma kuli cena, Kabili aciniike cena “Ubonaushi.” Aimbile cimbi icishima, kaibi aciniike cena “Ukulwisha.” Kabili aimbile nacimbi icishima, atiile, “Kuliko incende kuli ifwe bonse.” Eico, tulenwa kuli cilya icishima nomba, apo apali incende kuli ifwe bonse, kumuntu onse.

Nomba, bonse muleumfwa bwino? Landeni ukuti “Ameni.” [Ulukuta lwatiila, “Ameni.”—Kale.] Ico cisuma. Ico, ico caumfwika icisuma. Nalitemwa ico. Ameni, cilepilibula “cibe fyofine.” Umuntu umu . . . Naleshimikila inshita imo, kwaliko umulumendo uyo uwali mu Chalichi caba Baptisti Bakubalilapo lintu ine Nali Minshoni wamu Baptisti, Kabili naleshimikila. Kabili kwaliko nkashi icine cine uwale sangalala muli ico ena atampile ukulila nokupunda. Kabili ena ali nikateya wamupila umusuma, kabili ankumenye inshiku ishinono panuma yaico. Atiile, “Ine naishile mukumfwa iwe ubushiku bwapitileko, Billy, lelo,” atiile, “Nafililwe ukumfwa pantu abantu bonse balelanda, ‘Ameni.’”

Kabili Atiile, “Oh.”

Kabili atiile, “Ulya umwanakashi uwaikele palya alelila,” atiile, “cilya calimfulungenye apakalamba.”

Natiile, “Oh, tacifwile cacita ifyo.” Natiile, “Ine—Ine nshiletontokanya . . .”

Ena atiile, “Cisuma, Ine teti njingililemo u Muulu ukuba muli uyo musango.”

Natile, “Ine kuti nacita ico.”

Atile, “Ukuba, ico candetele ukututuma ukupita pa numa yandi.”

Natile, “Nga cakuti wafikile ku Muulu, kuti wafwa kumpepo, nga cakuti waumfwa lilya ibumba lya congo pa Muulu palya. Uh-huh, uh-huh. Waba...Iyi encende yaba tondolo uko iwe ukekala. Nalakweba ico. Pantu nga cakuti waya kumbo kukaba ukullosha no kulila nokusumanya ameno. Nga cakuti waya ku Muulu, mulandunshi, na ba Malaika tabaleka, akasuba no bushiku, ukubiikisha, ‘Wamushilo, wamushilo, wamushilo, Shikulu Lesa Wamaka yonse.’ Wamona? Mulandunshi, ngefyo, ‘ba Alleluya!’ na ‘ba Ameni!’ na ‘ba Lumbanyeni Shikulu!’: ukuba, ta waumfwapo icaba ngefyo, mpaka waumfwa umusonkano pamulu Palya.”

Eico, iyi ni ncende iyaba tondolo. Kabili Nda tina lyonse incende shaba tondolo. Cumfwika icafwa. Eico, Nsha—Nsha bamo mu fintu fyafwa. Eico, conse icabula imyumfwile califwa. Ifya ku fwailisha ifya bu scienci fila shininkisha ico: icintu conse icabula imyumfwile. Eico ifya kupitamo fyobe nga tafyakwata iinono imyumfwile muli yena, ufwile wa ishika no kusenda icintu cimo icakwata imyumfwile muli cena. Ico nacilungama. Cili bwino bwino icishinka.

Nomba, bonse twali Mutemwa, Nde shininkisha. Lelo kuli ukutalalila mu bantu. Ukupuputulwa nakupwa. Umulilo naushima. Mwamona, ninshita ya cintu cimo ukucitika. Na mwishiba, mwi tempele lyakale ilya bena Roma, itempele lyakwa Vesta, ilyo imililo ya shimine, bonse balile ku ng’anda, takwali ifya kubomba ifya citike. Nde tontokanya ukuti ni . . . Nali kwata bu Quaker ubwalinga muli ine ukuti ncetekele ico, ukuti caba—ukuti caba muli ilya nshila.

² Nomba Nde tontokanya, mubushiku, mubushiku bonse Ndasha ici, lelo . . . Na—Na litemwa ukupela umucinshi kuli ici Cebo cakwa Lesa, pantu Nde tontokanya Cebo cakwa Lesa, kabili Ni Ena. Ni Ena mu kulembwa. Ilembo palwaiko, efyo lyaba, ufwile wakwata u Mupashi palya ukuti wacincimusha ilembo. Eico nomba pakupela umucinshi ku Cebo ici, natwimine lintu tule Ci belenga. Marko Washila, mu chapitala 7 noku tampila pa versi 24, nokubelenga ukuya panshi pa versi 30, ukulundako. Mwe bakwete ba Baibele benu, kabili ukubafye kwati kubula isambililo linono ilya ku byala limbi fyo,

imbuto shinono nakabili muno nshita ya bushiku, uku kuula ico icicetekelo mpaka na pa kufika kwa nshita.

³ Kabili lintu Naumfwa ukuti u Mupashi wa mfisha palya, palya penefye bonse imwe mwalaitwa ukwisa ku cintamba. Mwi—mwi sakamana, calabafye bwino. Kano lintu u Mupashi wafika pa ncende palya apakuti wacumfwa ukuti abantu baupokelela!

⁴ Camulimo nshi ukwisa pano, nga cakuti waisa uleenda fye ukwisa fika pano? Waenda wapita mu mulongo wakwa Tommy Hicks, nowa kwa Tommy Osborn, na Oral Roberts, kabili nokuya kunuma na kuntanshi, ukupita mu mulongo. Cena cinashafye icicetekelo cobe. Epela fye.

⁵ Lintu waisa pano no kushininkisha ukwapwililika ukuti iwe tauleendelako munonko, nangu umuntu onse, waisa pano pantu u Mupashi wakwa Lesa muli iwe naukwita ukwisa, icintu cimo calacitika. Tapali nangu icalalesha ukuti cicitika. Mpaka napo, iwe ucilifye uleenda, ukushinguluka; kapyunga wa konkapo aisa mu musumba, iwe kushingulukafye; kapyunga wakonkapo aisa, kushingulukafye iwe. Ico te cisuma. Tamuli nangu cimo muli kashimikila, icingacila umulume obe nangu ndume yobe, nangu onse muntu engaba. Ifwe tuli nkombe Shakwe, isha kumweba i Cebo. Bamo pa kati kabo balikwata ifyabupe ifya lekana-lekana, ico na Baibele yalanda palwa ifi fyabupe. Fyonse ifi ficitwa ukushininkisha Ukubapo Kwakwe.

⁶ Nomba aciba nine, nangu iwe kuli ine, nga cakuti mwafilwa ukuicetekela cila umo no munankwe, mulandu nshi, ico kuti capwisha ico. Lelo Lesa, uwaisulamo uluse, Atumine ifya bupe no kushininkisha, ukusuminisha, kabili nefilifye ifyo. . . Aba uukokola ukukalipa, uwanakilila no luse, icakuti Ta—Tafwaya nangu umo ukuluba nangu umo ukucenwa. Ena afwaya ukushininkisha ukuti onse pakati kenu aingila. Cisuma.

⁷ Nomba bushe namubula ba Baibele no kwisula mu chapitala 7 iya kwa Marko Washila, ne versi lya 24.

Kabili ukufuma apo ena aimine, kabili no kuya ku mipaka Ture na Sidoni, no kwingila mu n'ganda, kabili ta lefwaya nangu. . . ukuleka umuntu ukwishiba ico: lelo ena alifililwe ukubelama.

Pantu umwanakashi umo, uwa kwete umwana umwanakashi uwakwete umupashi wakowela, aumfwile palwa ena, kabili aishile no kwisa ponena pa makasa yakwe:

Kabili umwanakashi aali mu Greeki, umwina Syrofoneka ecalo cakwe; kabili amufwaile ena ukuti engafumya iciwa mu mwana umwanakashi wakwe.

Lelo Yesu atile kuli ena, Lekeni abana bekute, mukubalilalapo: pantu te cisuma ukubula icakulya ca bana, no kuposela . . . imbwa.

Kabili abiyawike no kutiila kuli ena, Ee, Shikulu: libe ne mbwa shine pe samba lye tebulo shilalyako . . . utubufungau twa bana utupona.

Kabili atiile kuli ena, Pali uku kulanda kabiye munshila yobe; iciwa na cifuma mu mwana obe umwanakashi.

Kabili lintu abwelele, ukubwelela ku ng'anda yakwe, asangile iciwa naci fuma, no mwana wakwe nalambalala pa busanshi.

⁸ Nomba natupepe, kabili ne mitwe yesu iyakontama, ne mitima. Ndeingililamo, ilyo tulepepa, nibanga muno abalefwaya ukubekushako mu mapepo pa fintu fimbi ifyaibela, imyeniko amaboko, limbi, “Shikulu, lekeni cibe nine, munshita ino iyabushiku,” mwamona, nangu, “Ninkwata umutemwikwa, lekeni cibe niena, munshita ino iyabushiku.”

⁹ Taata wesu uwaba mu Myuulu, Imwe Namwishiba nokukabila tukwete ilyo tatula mwi pusha. Yesu atufundishe ukuti, “Taata Wenu alishiba ifyo mukabila ilyo tamula mwipusha,” lelo tufwile twa mwipusha.

¹⁰ Lintu Aloleshe pa bulobololo, Ena ni Shikulu wa bulobololo, kabili Atiile, “Ifya kusombola na fipya, aba bomfi naba cepa; pepeni imwe kuli Shikulu wa bulobololo, ukuti Atume aba bomfi mukulobolola Kwakwe,” ukuipanga Umwine eka uwa ampana pamo no muntu ukuti Ena abombela fye ukupitila mukutuma umuntu. Asalile umuntu uku Mubombela. Nga Asalile akasuba ukushimikila i Mbila nsuma, nga Asalile imyela, nangu ifimuti, nangu intanda. Lelo Asalile umuntu, nokuifisa Umwine eka mukati, aifisa Umwine eka kubasha cetekela, nokuisokolola mu Muntu alefwaya.

¹¹ Shikulu Lesa, tuli pano munshita ino iyabushiku tepa bukabilo bumbi lelo ku mona Imwe ukuisokolola Mwebene kuli ifwe, ukupitila mukwelela imembu isho twacita, no—no kutwafwilisha, no kukoselesha abashila mu nshila, ukupususha ababembu, ukwita abapona ukubwelela kwi senge lwakwa Taata wamu Myuulu naku Chalichi ca Bacetekela, Ibeli. Cifikilisheni, mwe Shikulu.

¹² Namwishiba icili ku numa ya maboko ayo ayemishiwe. Imwe na mwishiba icili pe samba yamaboko, pe samba lya mutima. Namwishiba ukukabila kwabo. Napela ipepo lyandi ukubeminako, ukutila Mwala pela ukukabila kwa cila umo. Nacimya amaboko yandi, pamo, Shikulu. Fikilisheni ifya kwipusha fyese.

¹³ Paleni ukubelenga kwa Cebo Cenu. Nomba ilyo twalabula isambililo, twapepa ukuti Mwala fungulula ifilimo, ukuti ifwe tumwishibe Ena bwino. Kabili na lintu ifwe twalafuma pano, muno bushiku, lekeni tulande nga balya abalefuma ku Emmaus, panuma Nabuka ukufuma ku bafwa. Kabili baendele pamo Nankwe akasuba konse ukulanda Nankwe, kabili libe taba mwishibe Untu Aali. Kuli abengi muli uno musumba, Shikulu, muno bushiku, takuli ukutwishika abalanda na Imwe no kwenda na Imwe, kabili tabaishibapo Ukubapo Kwenu.

¹⁴ Lelo bulya ubushiku, lintu Imwe... lintu Bamitile ukya ikaala nabo, Cleopa na cibusa wakwe, kabili lintu Mwaisele iciibi, Naimwe mwaikalako, Imwe mwacitile icintu cimo mu musango fye umu wine Mwa citilemo ilyo Tamulatanikwa pa capindama. Te umbi, umuntu uwacitile muli iyo nshila. Nimwe mwebene mwacitile Munshila Yenu, kabili muli co, balishibe ukuti Nimwe Kristu mwe baimine bu bafwa. Bwangu bwangu fye Mwafumine pa cinso cabo. Kabili ne mitima iya anguka iya isula ukusangalala, baampene capamo mukwangufyanya nabonse abatunwa, kabili batiile, “Iceine-cine, Nabuuka ukufuma ku bwafwa.”

¹⁵ Kabili lintu twalasha cino cikulwa, munshita ino iya bushiku, lekeni tumone Imwe mwaisa pano cifulo nokucita ifintu fimo fine Mwacitile ilyo ukutanikwa Kwenu takulacitwa, ngefyo Mwalaile Muli nokubwekeshapo nakabili mu nshiku shakulekelesha. Kabili fikilisheni, Shikulu, ukuti lintu twalafuma pano, twalaya nga balya, ukutiila, “Bushe imitima yesu tayacila bilima mukati kesu, ilyo Ena acilanda naifwe pakuya munshila?” Pantu ifwe twaipushisha mwi Shina Lyakwe namubukata Bwakwe. Amen.

Kuti mwaikalako.

¹⁶ Ndefwaya mbulefye ishiwi limo nge sambililo, muno bushiku, ne shiwi Ndefwaya ukubula litwa: *Umuntu Washipikisha*.

¹⁷ Imwe limbi kuti mwatiila, “Munyina Branham, ilyo—ilyo lishiwi ilinono nganshi ku bantu imyanda itatu nangu ine abekele pano munshita ino iyabushiku,” nangu bonse abaalipo; Ndi kapingula ushaishiba we—we—we bumba. Kabili mwatiila, “Ilyo lishiwi ilinono nganshi.” Cisuma, tacili mu—mu shinku, cili—cili—cili icine-cine paco Na lalanda ukulola kuli ico.

¹⁸ Nomba, *ukushipikisha*, ukukonka na Webster, ku—ku ba...cena—cena li—li shiwi, ukutiila, iwe ufwiile “ukuba uwatwalilila,” pamo, cilepilibula ukuba uwa twalilila mukweshu ukupanga ico uuli no kusangamo, ukweshu uku—uku ukubikapo icintu cimo pa muulu, ukweshu ukucita icintu cimo. Iwe ula shipikisha lintu waba uwatwalilila.

¹⁹ Nomba, bonse abena Kristu bafwile baba abakutwalilila. Bena bafwile baba aba shipikisha. Kabili ne nshila imo ufwiile

uku—uku citilamo ici, mukubalilapo kukwata icicetekelo mu cintu ulefwaya ukucita. Kabili nga taukwete ici cetekelo, iwe ninshi uletoloka pali cena, nomba iwe—iwe—iwe teti ucicite, tekuti ushipikishe. Lelo lintu icine cine waishiba ukuti e Cine, nomba takuli nangu cimo icinga kulesha, iwe icine-cine ninshi naushipikisha.

²⁰ Kabili umuntu mu nkulo shonse, uyo uwacitapo icintu conse, kabili aali kwete ne cicetekelo muco bale esha ukucita bantu baali aba shipikisha.

²¹ Mucakumwenako, nga untu twita taata wa calo, George Washington. Aali uwashipikisha lintu, ena, lintu aleesha ukukwata ukucimfya pali balya aba British, no kwabuka Delaware wa menshi makasa. Aali uwashipikisha. Tapali nangu cimo... Abankondo bakwe, citika pali abo, tabakwete ne nsapato ku makasa yabo; amakasa yapombelweko ifisalu. Umwela walepupa. Lelo apepele ubushiku bonse, kabili akwete nokucimfya mu mutima wakwe. Kabili takwali nangu ba nkondo ba ba British nangu icintu cimbi icali no kumulesha, nangula mumana wa menshi makasa. Apepele nokutwalilila, kabili takwali nangu cakucilinganya icali nokumulesha. Aali uwashipikisha, kabili akwete cilya aleesha uku—uku cita, pantu alikwete ubwasuko ukwafuma kuli Lesa.

²² Lintu umuntu apokelela ubwasuko ukufuma kuli Lesa, takuli nangu cimo icinga mulesha.

²³ Abantu abengi ileelo, nga fintu Nalabwekeshapo ku fy nalandile ubushiku bwa fumineko, ukutiila bali kwata isubilo mu cifulo cacicetekelo. Mwasanga abantu baisa ku cintamba, bena—bena bakuulilwefye mwisubilo.

²⁴ “Lelo icicetekelo eshintililo lya fintu ifyo tsubila; icishininkisho.” Te cabufi; te cakutunganya. Cintu cimo ico ukwete. Iwe kale naucikwata. Kabili ulifye ne nsansa naco, ico icicetekelo ico ukwete, ngefyo wingaba nga cakuti wakwete ishintililo mu kuboko kobe.

²⁵ Mucaku mwenako, icili ngeci, nga Ndi ne nsala yakalila mukokote; kabili no mukate uleshitikwa kota, uwaku—uwakushita umukate. Nomba, lintu Nakwata kota mu kuboko kwandi, Ine kubafye uwansansa kwati mukate untuntulu, pantu uyo emutengo wakushitilapo umukate.

²⁶ Kabili lintu Naishiba mu mutima wandi ukuti Ni ncipokelela, kabili Na cetekela nokuti Lesa nampela, Ine ndifye nensansa neco icicetekelo kwati Ndi kwati Ine ni ngundapwa, pantu Ndi nokundapwa, nangu cibe shani. Ninkwata ishintililo pali ino ine inshita, takuli umuntu nangu umo uwinga mpokolola. Ninjishiba ukuti na cilungama, kabili Ndi nokuba uwashipikisha neco.

²⁷ Lintu Lesa alanda icintu cimo icili noku citika pamo nge fimonwa nangu icintu cimbi. Nalimona amakumi ya makana aya

ifyo, naimwe mwe bengi muli bakambone, nangu cimo pali ifyo tacafilwapo. Kabili lintu Lesa alanda icili conse, Ine nshi... Nga cakuti Aatiila, mubushiku buno, “Kabiye ku manda ya calo, pantu Nalaimya George Washington muno lucelo,” kuti Naita icalo conse ukwisa mona ico, cena cili nokucitika.

²⁸ I Cebo cakwa Lesa teti cifilwe. Ena tafilwapo, kabili teti Afwilwe. Kwaba icintu cimo ico Lesa tengacita, neco kufilwa. Teti afilwe. Kabili Lesa e Cebo cine Umwine.

²⁹ Nomba, Noah aleikala munkulo ya scienci ilyo bena kwali, limbi, baletuma icaku mwenako ukupima ku mweshi. Yesu atiile bwena bwali ubushiku nga buno. “Ngefyo cali munshiku shakwa Noah, ifyo fine cikaba pakwisa kwa Mwana wa muntu.”

³⁰ Nomba, natwishiba, kulya kwine ku Egypto tulamona ama pyramidi. Teti tuyapange nakabili ileelo. Tatukwete amaka ya kucita ifyo. Bakwete amaka yafya miti, nangu—nangu amaka yamo ayakulile ama pyramidi. Teti tubike filya ifipilala palya pa muulu, teti tukuule. Nangula ifwe ukupanga inkalamo sha mitwe ya bantu. Takwaba inshila nangu imo iya kubombelamo ifyo. Tamwa kwata ifya kubomfya ukusunga ifitumbi, ukukanga umubili icakuti walamoneka uwacifyalilwa pa myaka amakana ayengi. Twalilufya ilya mipangile. I langi ilishangapya lya shima; fintu ifingi ifyo bakwete pali ilya nshita ifyo mukupwililika twabafye impofu. Kabili bakulile ilya pyramidi noku ibika pakati mu mushili, te mulandu noko akasuba kengabela, takwatala akubako icinshingwa ukucishinguluka, tapabapo icinshingwa pali pyramidi. Oh, buka panga, ifi—ifi—ifi bombelo bena—bena bakwete, fyalicilapo pafya nomba.

³¹ Kabili Noah aikele muli ilya nkulo ya mano, ya scienci. Noah emo aikele. Kabili aali ni kasesema, na Shikulu amwebele ukuti ili nokuloka. Kabili pa numa Noah ukumfwa ishiwi lyakwa Lesa, pa kuba kasesema kwi shiwi lyakwa Shikulu, i Cebo cakwa Shikulu cisa kuli kasesema Wakwe, kabili alishibe ukuti imfula ili nokuloka; te mulandu nefyo umuntu onse asosele, nga cakuti yali lokele.

³² Kabili tayatalile ailokapo ku numa. Lesa aletapilisha umushili, ne fyamumpanga, no—no kutapilisha ukufuma kutumfuku-mfuku, nefya musango uyo, mwi sonde. Takwatalile akubako ikumbi mu lwelele, lelo Noah alishibe ukuti kuli nokufuma amenshi mu muulu. Musango nshi Ali nokucitilamo? Ena taishibe, lelo ena aali uwashipikisha nganshi, aile nokukula ubwato ukukonka nefyo Lesa amupele ena mukupanga ubwato bulya, pantu alyumfwile ishiwi lyakwa Lesa, kabili aiminine Mukubapo kwakwa Lesa lintu ishiwi lyakwa Lesa lyasokolwele kuli ena.

Ico cifwile cabika i Chalichi cafyalwa-cipya cipya pa mulilo, ukushipikisha!

³³ Nshilesakamana nibanga ba kapumya abenga seka pali cena, nibanga abenga landa ukuti teti cibe fyo, kabili nokufuma ukuya shininkisha nefya scienci, nokutuma icakupiminako ku mweshi no kulangisha ukuti twakwabako amenshi mu makumbi. Lelo Noah alishibe ukuti nga cakuti Lesa, aiminina Mukubapo Kwakwe, kabili Ena e Lesa ulya uwalandile kuli ena, kabili Aali uwalangwa bwino-bwino ukuti cena e Cebo cakwa Lesa, nokwiminina mu Kubapo kwakwa Lesa, ena aali—ena aali uwa shipikisha. Akulile ubwato, nangu cingaba ifyo; kabili takwali nangu umu uwamwafwileko, akulile pa lwakwe. Aali uwashipikisha pantu alishibe ukuti Cebo cakwa Lesa, kabili akulile cena.

³⁴ Nde tontonkanya palwa—palwa musango untu Mose, kasambilila mukalamba, ali uwacenjela mpaka ena—ena afundishe amano ku bena Egypto. Afundishe ba kafundisha. Alishibe fyonse ifya—ifya mipepele ifyo abena Egypto baishile, kabili na pafya lupwa lwa ci Hebere lwakwe. Kabili aali uwacenjela, uwatontonkanya mukwangufyanya umukalamba. . . Balitufunda aali muntu wa bulwi. Lelo alifililwe apakalamba, pantu, icintu cimo. Aipeye uyu umwina Egypto, na masambililo yakwe efyo yapwile; lintu bamupele umulandu ena palya, “Ulefwaya utwipaye nga fintu waipeye umwina Egypto?” Ukutontonkanya ukuti bamunyina baali nokukutuluka palico. Kabili ena—ena afililwe apakalamba.

³⁵ Kabili ico candeta nakwitontonkanyo ilyakuti. Uyo wine emulandu, munshita ino ine iyabushiku, ukuti imibombele yesu naifilwa. Uyo wine emulandu tatufwaila ukusambilisha abantu pafya kwa Lesa. Takwakatale ukupanga utubungwe twa kwa Lesa. Twalyesha yonse iyi mibombele, yonse yafilwa, kwati, fintu caponene icaamba ca Babele. Kabili lyonse ukucita ico.

³⁶ Lesa, ushi cinja Lesa, apangile ubusalo Bwakwe mwibala lya Edeni, umusango untu Afwile apusushishamo umuntu.

³⁷ Kabili lintu Lesa apanga ubusalo, bufwile bwaimininafy e ifyo fine. Teti acinje. Teti abe uwacenjela. Entulo ya mano yonse. Temulandu nefyo scienci ingalanda, nga cakuti caculwisha Amanu nangu i Cebo cakwa Lesa, caba icapusana, tacili icalungama. Ine nshilesakamana nangu caba icashininkishiwa na scienci, cena nga kulubana nifyo fine nacilubana.

³⁸ Lesa asalile Ena ukupususha umuntu no Mulopa uwasumine Muntu wakauke. Balyesha ukukula imisumba, balyesha ukubampanya pamo, balyesha ukukula ifyaamba fyasansuka, ukubasambilisha muli Cena, kabili elyo bafuma ukuya ukutali inshita shonse. Imwe tamwakatale ukupususha umuntu mpaka abwelela pa Mulopa. Ico ecifulofye ico Lesa akumanishishapo umuntu. Te basambilila bwakwe temumusango untu acenjelelamo, bantu banga bamupanga shimapepo, nangu bishopo, nangu kangalila wa calo, nangula

engeba, kapyunga, umukalamba, apo tepakwiminina Lesa apa kukumanishisha umuntu. Amukumanishisha pa ncende lintu aali panshi ya Mulopa uwasumine. Ico cine ecifulo apo Israeli akumanishisha Lesa, ukupepa, cali ni pesamba lya mulopa wasumine. Iyo enshila iyo Lesa apela. Takuli inshila imbi iinga bomba. Kabili pe samba lya Mulopa wa sumine, Lesa epo akumanishisha umuntu no kwiminina mukubapo kwa muntu.

³⁹ Mose, uyu uwamano kubutuka, kasesema kabutuka, ukuya kunuma ya ciswebebe, nokuya upa umwanakashi umusuma umwina Ethiopia, kabili aleikala kulya; noku kwata umwana, Gershom umunono. Ubushiku bumo ilyo aleenda ukushinguluka iciswebebe, kunuma ya ciswebebe, umukote uwa myaka cine konse-konse mukufyalwa, amoneke umuntu ushinga bomba umulimo, nga kapyunga, lelo asangile icimpusa icalepya no Mulilo kabili tacalepwa. Kabili aile kulubali noku mona icalecitika, kabili afikile mu Kubapo kwakwa Lesa; no kumfwa Ukubapo kwakwa Lesa, no kumfwa ishiwi lyakwa Lesa, ilyo aali Mukubapo Kwakwe, lintu iyi Ntumba ya Mulilo yalambalele muli cilya icimpusa, ukulanda kuli ena. Palya, apo aletina nokuya mupepi na Egipto, ukwishiba ukuti Falao kuti aonaula umweo wakwe, takwali nangu cimo icali nokumulesha nombamba.

⁴⁰ Kabili inshita shimo-shimo lintu umuntu aba Mukubapo kwa kwa Lesa, no kumfwa ishiwi lyakwa Lesa, alacita ifintu ifi—ifi kalamba ku kutontonkanya kwa bantu bafye, caumfwika icabulamo amano.

⁴¹ Ubushiku bwakonkelepo. Umuntu uyo uwaletina ukutwala aba nkondo ukuya muku sansa Egipto, abasha bonse kulya baali mu Egipto, aletina uku sansa Farao mumusango nga ulya; aba apa, ubushiku bwakonkelepo, umuntu wa myaka amakumi cine konse-konse iyakufyalwa, imyefu ya leselela nokufika mu musana, ipaala pa mutwe lyale bengeshima, inkonto ya nyongana yali mukuboko kwakwa, umukashi wakwe aikele pali punda no mwana umwaice namulela, baleya baletentemuka, na menso yakwe ayaisuka, alekatamika Lesa.

“Nikwisa uleya, Mose?”

⁴² “Ndeya kulya ku Egipto, ukuya mukuteka.” Ukwingila kwa muntu-umo! Mulandu nshi? Aali Mukubapo kwakwa Lesa. Aali mwene ifyo Lesa acitile ne nkonto. Ena taishibe nefya kucita Naba nkondo. Ena Aishibefye ifya kubomba ne nkonto.

⁴³ Nshi shibe ico Ena engacita na kabungwe. Ninjishiba ico Enga cita no muntu umo uwa cimba mukupwililika kuli Ena. Ifyo Afwayafye, muntu umo, uyo niwe. Ninshi muntu washipikisha. Takuli nangu cimo icinga mulesha.

⁴⁴ Mose asangilwe mu Kubapo kwakwa Lesa, aumfwile ishiwi Lwakwe mu—mu cishibilo ca cisungusho. Aali shibe ukuti Ena Mulilo uwoca, kabili apa Aali Muntumba ya Mulilo kulya mu cimpusa. Amasambililo yakwe yonse, nokusambilila kwa

mipepele kwakwe konse, fyafumine pali ena. Kabili aishibe icintu cimo: kwali Lesa, kabili ena alikwete amalamuno Yakwe. Icimuti ica ongama califye bwino. Aali Mukubapo kwakwa Lesa.

⁴⁵ Tapali no bupusano pa bantu abengi abo Egypto akwete abakanshiwe. Fyonse ifi fintu tafyapilibwile icintu nangu cimo kuli Mose. Aali Mukubapo kwa kwa Lesa, kabili aali umuntu uwashipikisha. Ena aleya mukupoka ubutungulushi, ukulwisha aba nkondo abakwete ifyakucinga ififuba kabili abakanshiwa, aba makana ya makumi na makumi, aali fye ne nkonto yanyongana mukuboko kwakwe. Mulesheni nga mulefwaya. Tapali nangu cimo ici icinga mulesha. Kabili aali cicitile ico, alile kulya nokuya pokolola aali muntu uwashipikisha lintu mukupwililika aishibe ukuti aali Mukubapo kwakwa Lesa, kabili aumfwile ishiwi lyakwa Lesa ukufuma Mukubapo kwakwa Lesa. Amen. Tekubafye kwe shiwi, lelo lyena lyali ishiwi lya mu Malembo.

Kwaba imisango iingi iya mashiwi. Mufwile mwaya bebete ne Cebo.

⁴⁶ Ishiwi lyatiile, “Nine Lesa wakwa Abrahamu, Isaki na Yakobo. Nalipangile ubulayo ukuti Nka pususha balya bantu. Inshita naifika. Nalyumfwa ukuteta kwabo, nalimona ifyo bakapitao babo baba pela ifisendo, kabili Ine ndeibukisha ubulayo Bwandi. Kabili Ninjika ukwisa baba pususha, kabili Ndetuma iwe ukuya bomba ico.” Ico cisuma nganshi. Aali mwene Ubukata Bwakwe, kabili efo ena aile.

⁴⁷ Davidi aali uwashipikisha apakalamba lintu aile kulya kuba—ba bulwi bwakwa Israeli, abo abaiminine mukubepekwa pali ilya nshita, kabili ukwabuka aka mulonga kanono nakwishilya kulya ku lubali lumbi kwali aba—aba Peliste. Kwali Goliati, kalwa mukalamba, alepele imiku ibili ukucila pa mushinku wa muntu apo afika, iminwe ama inchi ikumi limo na yane; ne fuumo ilikalamba, na makasa ayatali, uwakuti kuti aiminina palya no kwikisha umuntu uuli pa muulu, mu musango uuli *ngefyo*, nokuba posa ngafilya; aleba tunga, kuti abemisha ku musako we fuumo nokubaposa nga filya, ilyo balenina ulupili.

⁴⁸ Kabili lintu umulwani aishiba ukuti nakucila amaka iwe, alitemwa ukuyumfwa. Eico atiile, “Twikwata ukusumya kwa mulopa uwingi.” Atiile, “Shauli, leka umuntu obe umo ese kuno nokulwa naine. Kabili ena nga Namwipayaya, ukuba, nombamba, imwe mwakula tubombela. Lelo ngacakuti ena anjipaya, ifwe twakula mibombela.” Mwamona, lintu umulwani nakwata amaka ukucila!

⁴⁹ Kabili na onse umushilika aalifye uwatutuma icakuti ena—ena alefilwa nokwikata icakufimba icifuba cakwe. Kabili Shauli, uwashipile ukucila bonse, umutwe ne fipeya fyacilile

paba bulwi bakwe, talefwaya noku mwikatamo, kabili cibe ewali uwasubwa na Shikulu.

⁵⁰ Lelo kwaishile ukufuma mu matololo, umunono uwa mapeya yapona, umuntu wamishishi-yakashikila, uwakwete ilekeni mu kuboko kwakwe. Kabili lilya ipaaka lyale yumfwa ku cinsu ca muntu uwalubana. Kabili Davidi atiile, “Bushe mulepilibula ukunjeba ukuti mwalaleka ulya usha sembululwa umu Peliste uwiminine palya alesusha aba bulwi aba kwa Lesa wa mweo? Bushe mulepilibula ukunjeba ine ukuti imwe kuti mwacita icintu camusango ngoyo?”

⁵¹ Nomba ba ndume yakwe batiile, “Nomba iwe umucinshi taukwete. Bwelelamo kulya kwine ku mpaanga, uko ufwile ukusangwa.”

⁵² Kabili ilyashi lyafikile kuli Shauli. Shauli atiile, “Leteni umulumendo kuno, lekeni njise mubebete.”

⁵³ Kabili lintu aishile, alemoneka umunono uwapona amapeya, umuntu wa mishishi-yakashikila naiminina palya, ne mishishi ileselela limbi nokufika lwa mu menso yakwe. Kabili atiile, “Ukuba, iwe, iwe tekuti ulwe naulya muntu.” Atiile, “Tauli nangu cimo uulifye umuntu umunono, umunono—umunono umuntu uwakashikila imishishi, kabili uulifye mu bwaice bobbe. Kabili aba kalwa ukufuma ku bwaice bwakwe.” Ena atiile, “Iwe teti ulwe nankwe. Natemwa ukushipa kobe, lelo umu. . . mukalamba ukucila.”

⁵⁴ Cinshi icacitika? Ena atiile, “Leka mone ngakuti wabomfya icakucinga candi.” Eico amufwikile icakucinga cakwe, amupele ne nkwela.

⁵⁵ Nakuba, umunono umulanda Davidi afililwe ukwimininako. Ena—ena—ena taishibe neca kucita palwa ico. Asangile ukuti icakufwala camipepele yakwa Shauli ya fililwe ukuti ilingane neya muntu wakwa Lesa.

⁵⁶ Eico atiile, “Nalamutuma aye nokuya sambilila sukulu ukupoka, Ph.D., LL.D., nefyaba ngefyo, nokumona ico engacita palwa ico.”

⁵⁷ Ena atiile, “Nshishibe icintu nangu cimo pali ifi fintu. Fifumyenipo pali ine. Ine—Ine nshishibe icintu nangu cimo palwa ifi.”

⁵⁸ “Lelo palifye icintu cimo ico Njishibe. Nale kumba impaanga sha batata, ne nkalamo yaishile ingila no kwikatamo imo. Kabili Naikonjele yena, pantu batata bampele umulimo wa kumona pali isho mpaanga.” Amen. Kabili kacema onse umusuma ni kacefya wa mpaanga. Kabili ena atiile, “Nshikwete nangu cimo kanofye ili ilekeni mu kuboko kwandi, lelo Namuwishishe panshi; kabili lintu ena aimine ukulwa naine, Nali mwipeye. Kabili cibuli alishile nokwisa ikatamo imo. Nali mubutwishe noku mupokolola ukufumya mu kanwa kwakwe; kabili lintu

aimine, Nali mwipeye.” Kabili natiile, “Nokucilapo uyu Lesa wakwa Israeli, Lesa wamu Muulu, kuti akana shani ukupela ulya ushasembulilwa umu Peliste!”

⁵⁹ Ulya umuntu munono aali uwashipikisha pantu aali shibe ico alelandapo. Ena aalishibe Untu aceteketele, kabili alyebelwe Ena mukupwililika ukusunga cilya icabikilwe kuli Ena ukulola kulya bulya bushiku. Nomba akwetefye ilekeni, ecofye akwete. Atiile, “Nalaya nokulwa nomu Peliste.” Pantu, mulandu wakuti aali uwashipikisha, aali shibe ukuti ngacakuti Lesa, mukusunga impaanga, aali mwafwilishe ukupususha impaanga nokushibweseshwa kuli wishu, nokucilapo umuntu.

⁶⁰ Nomba tontonkanyeni pali co, bakapyunga bonse. Naifwe tumfwa muli uyo musango pali imwe mwe mpaanga, muno bushiku. Ciwa kuti aisa nokumupuma no bulwele. Ico nacilungama. Afumyapo ubumi ubusuma. Ine—Ine nshakwata Ph.D. Nshakwata LL.D. Nshakwata nangufye amasambililo yesukulu lya kutampilapo. Lelo Nalishiba ico Nakwata. Ku konka imwe, muno bushiku, ukumibweseshwa ku mulemfwe uwacingililwa uwakulya na ku menshi ayatekanya. Ico ecilenga ifwe ukuba pano pa cintamba, munshita ino iyabushiku, kwisa nokumubula, uku mitinta uku mifumya mu kuboko kwa nkalamo kulya, noku mibweshwa. Beni abatekanya, umfwikisheni ukukonka bwino no ku mona, esheni ukufwailisha ico tuleesha ukucita, kwesha ukumyafwilisha imwe.

⁶¹ Nomba, Davidi aali uwashipikisha, pantu alimwishibe Untu aceteketele, kabili alishibe ukuti aali nokubika; ico alefwaya ukubika kuli Ena, Ena alishingemwe ukucisunga.

⁶² Tulesanga ukuti, Samsoni, naumbi kapingula mukalamba uwa mu Israeli, kabili na bantu bamo balangisha Samsoni ukukwata ama—ama peya ayakulu ngo mwinshi wapa butala; kabili taba ne cintu iceni palwa ico, paku mona umuntu wakuti aimya impongolo shaku Gaza no kufuma kabili nokwenda nasho, nangu ukubula inkalamo noku ilepula pakati. Lelo, namwishiba, Samson aali umunono panono... mukulanda kwa seeka, uwaonda panono, umunono panono, no mutwe wa mishishi-iyanyongana uwalengwa umwanakashi, uwatemenwe ba nyina, ne fikuti cine lubali. Cena cali iceni. Lintu, batontonkenye ukuti ulya muntu, umuntu walukasa ulukalamba ama fiiti-ikumi, kuti aimya inkalamo, icine cine, nokuipaya. Lelo icintu iceni cali cakutila, uyu umuntu umunono alemonekafye uwabula amaka mpaka lintu u Mupashi wakwa Shikulu waisa pali ena. Tacali ni Samsoni. Cali Mupashi wakwa Shikulu.

⁶³ Uyo wine emulandu wine ukuti tacali batumwa. Yesu abasalile bonse pamo, mu cintuntulu cila umu pakati kabo uwabula namasambililo ayalinga ayakulemba amashina yabo. Ena tasalile bashimapepo. Tasalile abasambilila imipepele.

Asalile abashila naba kacema, abantu kabili abasha sambilila, pakutila Abasenda mu kuboko Kwakwe, ukuyafye ukwabula icintu nangu cimo no kupangamo icintu cimo ukufuma muli ico. Iyo emibele Yakwe. Eico Tabula ama sukulu yakanshiwa kabili nabasambi bakanshiwa, Asendafye icintu cimo ico icailuka ukuti tacili nangu cimo. Ena aingila muli cena nokupangamo icintu cimo ukufuma muli cena.

⁶⁴ Tulesanga ukuti uyu Samsoni aali mwina Nasari, alikwete ifikuti ifinono cine lubali ifyo fyaleselela panshi ku numa. Kabili lintu u Mupashi wakwa Shikulu waleisa pali ena, taletina nangu cimo. Mulandu nshi? Ena aali uwashipikisha ilyo aleumfwa ulya umulapo wa bwina Nasari uli pamo na ena. Ilyo ena alepampantila no kwikata kunuma kulya no kupampanta filya fikuti, alesishiba ukuti aleba mu bufwayo bwakwa Lesa kabili takwaleba ne cakumukaka. Umusumba tekuti umukake. Inkalamo te kuti imwipaye. Abulile incendwa yakwa mpongolo, nokuyumika, noku minako aba Peliste abali ikana limo, nalyena.

⁶⁵ Bushe mwalishiba filya ifi mpompo fyamukuba, fyali ukucila pali inchi ukutikama? Bushe namwishiba icali nokucitika lintu ifupa-lya mucu swebebe lyali nokumapo pali ico? Mulandunshi, ngalya tobaike mutupimfya millioni umo. Lelo aiminine palya, umo-mpo, ne ncendwa yakwa mpongolo, Nokulauma pamtwe yabo, kabili nokwipaye ikana limo aba Peliste. Mulandunshi? Aali umuntu uwashipikisha. Cilanshita aleuma, aleumfwa ulya mulapo wabwina Nasari ulesela ukubwela pali ena.

⁶⁶ Nipesa apo ichalichi, muno bushiku, ico icilanda ukutila califyalwa no Mupashi wakwa Lesa! Cingeminina mu musonkano nokumona ukushininkishiwa kwa kubuka kwakwa Yesu Kristu, nokulanda ukuti calisushiwamo no Mupashi wa Mushilo, ukuti caikala tondolo nokuleka Satana ukula misunka sunka ngafintu acita? Cena cintu iceni. Apo imwe kuti mwaumfwa Ukubapo kwa Mupashi wa Mushilo, mufwile mwaishiba ukuti Cebo Cakwe kabili nobulayo Bwakwe ubwa buno bushiku, mufwile mwaba abashipikisha ukutwalilila mpaka capwa. Umuntu uwa shipikisha! Ikala pamo na cena! Lesa ewalaya ico. Teiwe. Ni Lesa!

⁶⁷ Ngapalwa kwa naxisungu munono Maliya. Nomba kuli imwe mwebanakashi. Alifye mukashana uwabula akantu uyo uwaikele mumusumba unono uwabipilepo ukucila Topeka. Kabili aikele mulya, lelo aikele umweo uwawama uwatambalala, kabili akobekelwe ku mwaume weshina lya Yosefe. Kabili ubushiku bumo aimine ukuya kucishima, muketapa amenshi, kabili u Lubuuto lukalamba lwamonekele kuli ena. Na Malaika aiminine kulya, uyo uwali Gabriel, nokumweba ukuti ali no—no kufyala umwana, ukwabula ukwishiba umwaume. Kabili panshita imoine, amwebele palwakwa Elisabeti, umu—umu

fyala wakwe uyo uwakulilepo mumyaka, muka Zakaliya, kabili alimite mukukula kwakwe.

⁶⁸ Kabili nomba Maria, kuti mwaingililamo ifyo ukuseka kuli nokuba kubantu, ukutontonkanya ukuti uyu umukashana umusepela, alelanda noyu umulumendo, nomba, kabili apa ena alangwa ukuba nyina. Lelo cena tacapangile ubupusano kuli ena. Ena ali Mukubapo kwakwa Lesa. Alyumfwile Ishiwi lyakwa Lesa. Tasakamene ukupumya kwabantu, nangu ukuseka kwabantu, nangu ifyo balelanda pali ena. Ali uwa shipikisha. Ukupita namucalo campili ena ailemo!

⁶⁹ Kabili abanakashi pali ilya nshita tabali ngefyo bali ileelo, baisa nabafwala utuputula pano; kabili inshiku shinono ilyo tabalapusuka, bafumina pamisebo kubaume. Ico cansoni kubuntunse. Ico nacilungama.

⁷⁰ Aifishile umwine. Kabili nomunono Maria aishile kuli ena ilyo talati abe nyina, kabili aile mumpili sha Yudeya mukumona Elisabeti. Kabili lintu Elisabeti aifishile umwine, ukwabula ukutwishika, mulucelo lumo, alelolesha ukupitila pe katani, amwene uyu umukashana umusepela aisa, aisa alebutuka, kabili aishibe cena ukuti mu—mu fyala wakwe, Maria. Kabili nga abanakashi pali ilya nshita, batemenwe ukuipempula umo nomunakwe, capilibwile icintu icikalamba kuli cila umo, naena abutwike ukumukonkela, Limbi, noku posa amababoko yakwe ukumushinguluka nokumu kumbatila, kabili alemuposha.

Kabili ena atiile, “Nalyumfwa ukuti uli nokuba nyina.”

“Ee.”

Ena atiile, “Nawishiba, Naine ndi nokuba nyina, pamo.”

“Oh, iwe na Yosefe mwalyupana kale?”

“Iyo, tatulati tupane.”

⁷¹ Kabili alimwene ifishibilo fyakuba nyina. Atiile, “Ulepilibula, we mutemwikwa, ukuti iwe na Yosefe tamulati mupane, kabili uli nokuba nyina?”

“Ee.”

“Nomba ici cili nokuba shani?”

⁷² “Mupashi wa Mushilo ali noku nkupikila, ali noku...ali nkupikila. Ishiwi lyakwa Lesa efyo lyalandile.” Kabili atiile, atiile, “Nijishiba ukuti iwe uli nokuba nyina, pamo.”

⁷³ Atiile, “Ee, lelo ine nalifika nemyenshi mutanda, kabili Ine—Ine ninsakamana pantu umwana talesakanya.”

⁷⁴ Nomba, onse alishiba ukutila ico tacaba icinga citwa; ibili nangula itatu imyeshi, umweo kuti waumfwika. Lelo ili nalifika imyeshi mutanda, ukwabula icishibilo ca mweo. Ninshi uyu umwana alifwa, imyeshi mutanda ukwabula umweo. Atiile alisakamene palwa ico.

⁷⁵ Atile, “Lelo Mupashi wa Mushilo aishile pali ine,” Maria alandile kuli Elisabeti, “Mupashi wa Mushilo alisa pali ine, kabili alinkupikila ine; kabili atile Ndi nokukwata umwana umwaume, kabili Ena ali nokuba u Mwana wakwa Lesa, kabili Ndi nokumwinika i Shina Lyakwe ‘Yesu.’”

⁷⁶ Kabili lilyalinefye i Shina lyabuntu ilyakwa Lesa, “Yesu,” lyalandilwe nemilomo, yabuntu ukufuma mumuntunse, umwana uwafwile aishileba nomweo mwifumo lya mwanakashi, kabili nokupokelela Mupashi wa Mushilo. Kabili ico nga kuti cacita ifyo kumwana, uwafwile mwifumo lyakwa nyina, cinshi ico cingacita ku Chalichi cacyalwa cipya-cipya? Muku wakubalilapo untu i Shina lyakwa Yesu Kristu lyalandilwepo nemilomo yamuntu, umwana uwafwile mwifumo lyakwa nyina aishileba nomweo nokupokelela Mupashi wa Mushilo. “Eco kwaisa nyina uwakwa Shikulu wandi?” eflyo Elisabeti alandile. “Pantu lilya linefye ukuposha kobe kwacisa mumatwi yandi, umwana wandi acitoloka mwifumo kunsansa.”

⁷⁷ Kabili ilelo tulalanda ukuti twalikwata Mupashi wa Mushilo, kabili muli bu camwenso na Lyo, tulafilwa ukusela ukufuma. Tufwile twaba abashipikisha. Nga cakuti twalikwata Mupashi wa Mushilo uwacine, tufwile ukuba abashipikisha.

⁷⁸ Nomba twafika apatali, ukufuma, Nimfumako kwisambilisho. Nomba pano nenshita naifika iyakutampa ukupepela mumulongo, kabili Nshifikile nakwisambilisho. Ili lipi nganshi.

⁷⁹ Uyu umwanakashi untu tulelandapo, mwanakashi umwina Sofolonika, alimu Greeki, kabili alyumfwile palwa kwa Yesu. Nomba, “Icicetekelo cishila mukumfwa i Cebo cakwa Lesa.” Kabili alyumfwile.

⁸⁰ Kabili, munshila imbi, icicetekelo cilasanga intulo iyo bambi tabamona. Do—do dokota limbi kuti atiila, “we Mwana, Nicita fyonse ifyo Mfwile ukucita kuli iwe.” Uyu ali pampela yamusebo wakwe. Ifyo eflyo umuntu onse enga cita. Amona ukuti icintu naciya pantanshi kabili aphilwa ukucitapo icintu icili conse pali cena. Lelo, mwamona, icicetekelo cilasanga intulo iyo taishibapo icintu nangu cimo. Scienci teti icishininkishe, pantu icicetekelo. . .

⁸¹ Icakucinga icifuba icakwa Lesa camaka yacilapo. Icakucinga icifuba icakwa Lesa ni cinshi? Kutemwa, ukutemwa ni cinshi? ukukonka na Scienci shininkisha kuli ine inga kwaliba icintu icaba ngo kutemwa. Nipesa kwaba? Imwe, nibanga abatemwa, imyeni amaboko yenu; ukutemwa umukashi obe, ukutemwa ndume yobe, ukutemwa ifibusu fyobe? Nakuba, Ndefwaya umuntu umo, uwafya scienci, ukushininkisha kuli ine ulubali lobe ulwakwata ukutemwa. Nikwisa uko mushita yena, mwishitolo lya muti nshi? Ndefwaya uwingi, uwakutemwa. Ukusangalala, mwalikwata ukusangalala?

Umutende, ukukokola ukukalipa, ubufuke, ukutekanya, nifinshi ifyo? Fyonse fyamaka yacilapo.

⁸² Lesa aba uwamaka yacilapo. Imwe tekuti mushininkishe Lesa nefya scienci. Imwe kucetekela Lesa. Imwe kucetekela cena. Ngawakana ukucetekela cena, ninshi, umuntu uyo uulanda ukuti “icintu conse ico icishili ica scienci, teti cipilibulwe, ico tacilungeme,” ninshi uyo muntu teti abe umwina Kristu. Afwiile acetekela fye. Kuci cetekelo tulacetekela Lesa; tekuma sambililo, nangu ifyaku sambilila ifyabukupepa. “Lelo muku cetekela emo upusukila.”

⁸³ Mona, ici cetekelo cisanga intulo intu bambi tabamona. I Cebo Cakwa lupanga, aba Hebere 4:12 yalanda ukuti, “I Cebo cakwa Lesa calitwa ukucila ulupanga ulwatwila kubili-kubili, nokulingulula amatontonkanyo, nafyonse ifyaba mumutima.” Ico e Cebo cakwa Lesa. Kabili necintufye cimo ico icingekata ulupanga kuboko kwa cietetekelo.

⁸⁴ Takuli cimbi icingacita ico, cimbi takuli. Ufwile wamonapo icintu cimo inga teifyo ninshi ni, scienci. Imwe, muli scienci, mu masambililo, tekuti mwikate lulya ulupanga. Imwe teti mucite ici ukupitila mu masambililo; cali kolobana nganshi, calikosa ukulondolola; kuti mwacipanga, kuti caipanga, kuti caesha ukukana Palwaciko nafyonse. Imwe teti mucite ico. Yesu atiile, “Califiswa kuli imwe,” eico labeniko palwa ico. Imwe teti mucishibe. Califiswa. Kabili lintu Lesa afisa icintu icili conse, icine cine ninshi nacifiswa.

⁸⁵ Uyowine emulandu imwe mwabela abafiswa, ngacakuti muli bena Kristu. “Pantu mwalifwa, no mweo wenu wafiswa muli Lesa, ukupitila muli Yesu Kristu, kabili nokukakatikwa na Mupashi wa Mushilo.” Ni mumusango nshi ciwa ali nokumi sangilamo? Teti acicite ico. Imwe mwalifiswa. Lesa alamifisa. Ameni. Wecifulo we icakufisamamo, pacifuba cakwa Yesu Kristu!

⁸⁶ Nomba, ici cetekelo cilekatilila, noku cingilila cena. Nomba imwe teti mube abamaka ukufikapo, kano kulya ukuboko kwaci cetekelo, ukutula icipunda ukufikafye namukati, nokwenda ngefyo bambi bacita. Lelo konkanyapofye ukumaulamo, cili nokwisa. Twalilila ukwikatilila kuli ico.

⁸⁷ Ena alikwete ifyakumu mpufyanya ifingi, uyu mwanakashi umu Greeki umunono, lelo icicetekelo cakwe tacakwete nangu cimo. Icicetekelo tacakwatapo ifyaku pufyanya nakalya. Tapalipo icinga pufyanya icicetekelo. Mwisakamana pafyo onse engalanda, tapali icakupufyanya icicetekelo. Natumone “ifintu” fimo ifyali nokucitika kuli ena. Ena nga . . .

⁸⁸ Umuntu umo, kuti limbi alilandile kuli ena ukuti, “Iwe uli mu Greeki. Icilinganino cobe teciletungilila umusonkano Wakwe.” Lelo ena alitwalilile, nangu califyo. Ena aleyafye,

nangu califyo, pantu ena alyumfwile. “Kabili ici cetekelo cishila mukumfwa.” Tekupitila mukumfwana; lelo mukumfwa.

⁸⁹ Moneni, bena kuti limbi balisosele ici, ukutila, “Iwe uli mu Greeki. Iwe taupalene nabena balya abantu. Iwe, pali—pali po. . . Bena nabapusana inkanda naiwe. Bena mutundu umbi.” Nangu califyo, ico tacamusakamike. Ico tacamusakamike.

⁹⁰ Kabili bamo pali abo limbi balishile nokulanda ukuti, “Nomba ifyo fintu fyabulamo amano. Inshiku sha fisungusho shalipita. Takwabapo ica musango ngoyo nga uko ukundapwa uko iwe umfwapo. Ena muntufye umbi uwafulungana uyo uwaisa.” Icene cine, bena balikwata imisango yonse iyama dola yabufi, lelo kwalibapo iyo imo iyacine, kucifulo cimo, iyo iyapangwa po. Ico nacilungama. Nomba atiile, “Inshiku sha fisungusho shalipita, takwaba icintu camusangwefyo. Ilyo libumba lyaba fulungana panshi palya, abanonofye bena. . . Twalibakwata panshita intali.”

⁹¹ Lelo, nangu cibefyo, icintu cimo calipumine muli ulya umwanakashi; ena ali uwatwalilila uku shipikisha. Inshiku sha fisungusho limbi kuti shalipitile kuli ulya umu uwalelanda kuli ena; lelo tekuli ena. Limbi kuti caba icapita kuli bamo bacibusa bobo, lelo tekuli iwe, ngacakuti walikwata ici cetekelo.

⁹² Limbi kwaliko ibumba, limbi abanakashi bambi baliminine pa kona, baletila, “Malita.” Ninsubila ukuti tapali Malita pano. “Malita, nawishiba ifyo cili? Umulume obe akakusha, mucine cine nga cakuti wafuma waya kulya kuli ukulongana. Nomba, Nijishiba ukuti umwana obe umwanakashi alikwata cipumputu, lelo Ndekweba, cena cileba. . . Nga cakuti umulume obe akumona uleya kulya! Ena aba muma kalabu ayakalamba kabili namutubungwe twa mumusumba; ngacakuti waya kulya, ali nokukusha.” Ico tacapilibwile icintu nangu cimo kuli ena. Ena aleyafye, nangu califyo. Icietekelo calibombele ukuti ekatitile. Icietekelo tacaishiba uku pumfyanya.

⁹³ Ukuba, kwena, limbi kwaliko ibumba limbi palya pa kona, ilyo ilyatiile, “Nawishiba ifyo cili? Bali nokula kuseka pa chalichi, pantu iwe uleya kulya ukwabula ukusangamo icintu nangu cimo. Kabili nabantu baleishiba ukuti iwe eko uleya. Kabili lilyalinefye walaishibikwa pamo nabena ninshi uli nokuba icakusekwa kubantu. Bonse bakula kuseka.” Ico tacapilibwile icintu nangu cimo kili ena, awe nakalya. Ena alifye uwashipikisha.

⁹⁴ Ibumba limo kuti lyena lyalandile ukutila, “Bali nokukutamfya mu chalichi; bali nokukubweshesha icitupa cabu membala bobo.” Nangu cibefyo, atwalililepofye ukushipikisha. Ico tacamupumfyenye napanono. Mulandu nshi? Ena kale ali uwaikatilila pacietekelo.

⁹⁵ Ndekabila nga Nacikwatako inshita yakwimininapo paliba ora bane nokumyebafye palwa—palwa ifyonaishiba

pacintu icapalana neco, balya abanakashi nabaume nabana, balya abalefwa; kabili, ukupitila mukulanda kwaba dokota, bali nomweo, muno bushiku, ukupitila mukusenamina kwakwa Lesa. Pantu, bamo baikatilile, kuci cetekelo! Uko ekutontonkanya. Nacilungama.

⁹⁶ Apulilele pampongolo shonse ishi, pali bakapumya bonse, konse uku-museka, konse ukulanda ukuti umulume “obe ali noku kutamfya; icitupa cesenge lyobe bali cifumya mu chalichi, ufwile wasangapo icintu cimbi kumbi; ukaba uwasulwa; bakalakwita ukutula kakunkuluka-wamushilo.” Ico tacapilibwile icintu kuli ena, pantu ena alimwene kale Lesa. Alyumfwile, neci cetekelo cishila mukumfwa. Kabili alishibe ukuti bambi balipolele, mulandu nshi umwana umwanakashi wakwe tengapolele? Mwaumfwa ico, aisa pita.

⁹⁷ Mukushalikisha afika pamaka yakwa Yesu, kabili moneni we cakusungusha we! Abantu abengi batontonkanya apo bena kuti bafika kulya, ninshi capwa efyo cifwile caba; lelo elyo watampafye. Lintu afikile pali Yesu, wecanoni we kuli ena; nangu efyo cifwile ukuba, limbi, kuli ifwe muli buno bushiku. Yesu atiile Ta tuminwe kuli ulya umutundu wakwe.

⁹⁸ Ngacakuti ico cali kuli imwe ba Pentecosti balelo, mulandu nshi, imwe nga mwaimishe imyona yenu mu mwela nokufumapo, nokutula, “Bushe ifyo efyo caba? Nga cakutula tabantemenwe mu Assemblies, Nga naile ikumanisha kuli ba Oneness. Nga cakuti tabantemenwe kulya, Ndi nokuya ku church of God. Ine—Ine teti mfwaye ukuba nefintu fyabefyo.” Ah, emulandu wine ifisungusho fyafumina mu chalichi. Uyowine emulandu wine ici cetekelo cafumina mu chalichi. Mwamona?

⁹⁹ Nangu ni Yesu, Lesa wine! Akutika kuli ico. Lesa umowine untu ali nokupepa, kabili—kabili nokucija amatontokanyo yakwe, kabili nokwisa ce—ce cetekela pali Ena; lintu afikile pali Ena, tamu pokelele.

¹⁰⁰ Muleibukisha ine ukulanda ubushiku bwafumineko palwakusakanya amaluba nefintu? ubwina Kristu ileelo kufyaluluka. Cena tecakubalilapo. Inga cakuti walikwete ulubatisho lwakubalilapo ngafintu bena bakwete kunuma kulya, ngafilya ichalichi caba pentecosti cali. . . tapali icintu icinga ilesha. Kuti caba kwati ni ng’anda ilepya mulusuba, kabili no mwela wakaba ulepuupa. Teti kube icili conse icinga lulesha; lwena luli pamulilo! Lelo ubushiku bwa leelo nicinshi? Ilyo, libumba lyapusanako ileelo. Itontonkanyo lyandi: kufyaluluka.

Moneni, Ena afilwa ukumupokelela.

¹⁰¹ Ileelo tufwile twaba pampansha bena, “Ine nalamilaya; inga cakuti mwaisafye kuno, Nalabika icitupa cenu pe buuku lyandi pano, kalata wenu, kabili Ine—Ine—Nala mona fintu Nalacita. Tukesha ikala pamo nebumba lyaba kalamba, nokumona inga cakuti teti tukubikepo pebumba lyaba kalamba nangu—nangu

ifintu fimbi.” Uyo emusango bafwile ukula citilamo ilelo. Moneni akalibumba eko tukwete?

¹⁰² Lelo nangu lintu afikile palya, Ena alandile ukuti, “Ine nshatumwa kumutundu obe. Kabili, teicofye ceka, bena tababapo fimbi ukucila paka libumba kambwa.”

¹⁰³ Oh, owe, bushe cinshi ico ingefyo twacitile ifwe? Bushe cinshi ico ingeco wacitile iwe? Ipushe wemwine ico, kabili ube uwabufuma cumi. Umo afuma mumulongo, cinshi, iwe nga tabaku pepelele, ubushiku bwa kutampilapo, iwe waci pampamika ukuti tawakatale aubwelapo libili. Bushe ninshi naukwata ici cetekelo? Mu cine cine. Ee. Nomba, ibukisheni, iyi tepu ileya isonde lyonse. Ine nshilesontafye umunwe wandi pano; Ndesontafye konse. Mwamona? Ee, imwe, imwe tamwakabwele. Iyo. Teti mwikale nokumfwa kumusonkano. Imwe mwamona? “Ee, Ine nalikwata ici cetekelo”? Ee.

¹⁰⁴ Lelo ena aitulwe imbwa. Ico eca pelekeshako ico wingetwa, nangu ecaliko muli shilya nshiku, icinama icafiko. Nifyo fine, ileelo yena yaba kalubi; lelo apo namayo asenda akabwa akanono nokuka pela ukusakamana kwabu nyina, nokubomfya ifyaku kanaimita, pantu alefwaya ukulaya mukushana naku mangalo, nokutwalililapo muli uyo wine musango, kabili takwata nenshita yakuba nomwana wakwe. Ena alishiba ukuti kuti mwabika imbwa yakwe mwilinga kuncende imo, nokuisenda pamo nankwe. Ico bwino bwino nacilungama, mwamona. Ukuicingililala ukukana kwata umwana, kabili nokuya ku chalichi nokuya mukwimba mwi bumba lya bakemba; ukufwala utuputula, nefintu fonsa, kabili nokuita ati bena Kristu; ukuputulapo imishishi nokutwalililapo ukulanda ukuti ali mwisenge pamo na Lesa, ilyo Baibele itila tali. Ico bwino bwino nacilungama. Ine nshilesakamana . . . Kutikeni.

Imwe mutila, “Kalya akantu akanono, cinshi ulelandila pali cena?”

¹⁰⁵ Mukutendeka, ishiwi limo lyalengele yonse ama lwele kabili nemfwa. Lesa Umowine, kumpela ye Buuku, alandile ukuti, “Uyo onse ukafumyamo Ilembo limo muli Cena, nangula ukulandako ilembo limo kuli Cena.” Eico temulandu nefyo ucita, nefyo uitunga ukuba, imiku utoloka ukuya pamulu kabili nokuya panshi kabili nokulila, nokulanda mundimi, ukulabutuka, nangu conse ico ulefwaya ukucita, nangu ukupela abalanda, nangu conse eco waba; ico teco. Iwe nautoba lilya Ilembo; kabili, na liya Ilembo utobe, teti ubwekelemo mulya! Bwino bwino nacilungama, te Cebo cimo. Wabula isambilisho mucifulo ca Cebo, pantu cena cakulinga bwino.

¹⁰⁶ Uyowine emulandu abantu bayampanishisha ku chalichi, kabili nokuya kuli *ici* na *cilya*, nangu *cimbi*, nokuya ikala kulya kwine, tacaba nangu cimo lelo mwaku tushisha. Te chalichi cena. Imwe mufyalwa mu Chalichi; muyampanya nomwaku tushisha.

Lelo imwe mufyalwa mu Chalichi, mu Chalichi, temu chalichi; mu Chalichi. Kwabafye i Chalichi cimo. Kabili imwe . . .

107 Ine naba mulupwa lwakwa Branham pamyaka amakumi yasano na isano, ine tabatala abanjipusha ukuyampanya kulupwa. Nafyalilwa mulya. Ico nacilungama.

Ee, capilibuka, aitwa “imbwa,” lelo atwalililepofye ukwikatilila.

108 Mwamona, alikwete ici cetekelo. Ena alengelwe insoni kuli bacibusa bakwe bonse, alengelwe insoni nabantu bakwe, imisango yalekana lekana yaesheshe ukumu cilinganya. Lelo ifintu fyonse fyaile muli iyo nshila. Ico cilelangisha Satana uku—uku ukubweshesha ici cetekelo icine cine kunuma, lelo teti acicite. Ukusakamana paco umuntu onse alanda; cicili ciletwalilila. Ena ali uwa shipikisha. Ena noku twalililapofye.

109 Aile fika pali Yesu, na Yesu atiile, “Nshatumwa kumutundu obe. Nshatumwa ku chalichi cobe. Bena tabale umfwana. Imwe tamwaba nangu cimo lelo ibumba lya mbwa, nangu cibe fyo.” Ena atwalililepofye! Aitiile, “Ine, Ine nai—naisa mukundapa aba, Abandi, nshaisa mukundapa imwe. Tacilingile Ine ukubula icakulya cabana nokucipela kuli imwe mwebumba lya mbwa.”

Aitiile, “Ico ecishinka, Shikulu.” Ameni.

110 Iccetekelo lyonse cili nokusumina ukuti i Cebo cacine. Ameni. Nomba imwe nga mulefwaya ukwikatilila kuma sambilisho, twalililenipo; lelo ici cetekelo, ici cetekelo icine cine, cilasumina i Cebo ukuti e Cine.

111 Aitiile, “Cishinka, Shikulu, lelo nembwa shilalyako utubufungau utuba pesamba lye tebulo lya baana.” Ico ecapwishishe. Ico ecapwishishe. Ena ta—ta taali icilimwa icali mucu tenge. Ena taali mwi—mwi bumba lyaba sakanishiwa, abo abetwa aba cetekela, abo tukwete nge cisabo ca leelo. Ena alikwete ici cetekelo. Alisumine ukuti Alilungike. Lelo takonkele nangu umukate untu abaana balelya; ena alefwayafye utubufungau.

112 Limbi kuti twakwata icisuma nangu teti tukwate nakalya. Ifwe kuti twafumapo pali Cena, kabili nokulanda ukuti, “Ifwe natukwata ici cetekelo. Bena tabancita bwino, Ndi nokufuma nkaya.” Ico teci cetekelo. Ico teci cetekelo.

113 Iccetekelo epocili. Ico Nde esha ukulanda kuli imwe, bacibusa, tuli no kukwata umulongo wakupepelapo pano munshita ya bushiku ubushiku bumo pali ishi nshiku. Kabili Ndefwaya ukumona imisengele iingi, imipando yaku kunkulushapo abalwele iingi, inkonto ishingi, nangu apa bula nangu cimo ukulambalala pano pa lubansa, kabili nabena ukwenda nokuya. Mwamona? Kano imwe mwaisa nomusango uwalungama ukupalamina, imwe tamuli nokupokapo icintu nangu cimo. Ico naci lungama, imwe mule endafye ukupita kabili

nomuntu umo amyumamo ulupi, kabili nokutwalilila ukufuma. Ico, ico tecisuma. Imwe mufwile mwaishiba ico mukonkele. . . “Onse uwaisa kuli Lesa afwile acetekela.”

¹¹⁴ Loleni, ibukisheni, tatalile amonapo icisungusho. Aali mu Greeki. Ena alishibe. . . ukuti Aali mwina Fyalo. Tatalile amonapo icisungusho, lelo cibe alikwete ici cetekelo ukuti kwalibako icintu camusango ngoyo. Kabili umwaka nomwaka, ubushiku nobushiku, tulamona ifisungusho, kabili tafikokola pali ora imo nangu yabili.

¹¹⁵ Aali nga Rahabu cilende. Rahabu talefwaya. . . Ulya umwina Fyalo umwanakashi, ena talefwaya ukumona ifyo Yoswa alefwala ifyakufwala fyakwe, nangu ukumona Yoswa. Ena atiile, “Ine nalyumfwa kabili Nali cetekela.” Epela. Aalyumfwile kabili ali cetekele.

¹¹⁶ Yesu atiile, “Uku ukulanda!” Aali kwete insambu shakufika ku cabupe cakwa Lesa. Ibukisheni, ewali umwina Fyalo wakubalilapo uwo ici sungusho cacitikilepo, pamulandu waci cetekelo. Icacetekelo cilatungilila ukuti i Cebo cacishinka, cena cilaicefya, umusangofye umo wine cile citilamo ileelo.

¹¹⁷ Malita Mukubapo kwakwa Lesa. Malita, nkashi wakwa Lazaro, ena aali uwaicefya Mukubapo kwakwa Lesa. Kabili ali uwashipikisha lintu afikile kulya. Ena atiile. . . Ena atiile, “Shikulu, nga cakuti Iwe wali kuno, munyina wandi nga tafwile; nangu ileelo nomba, conse fye eco Waipusha Lesa, Lesa aali nokukupela.”

¹¹⁸ Ena atiile, “Nine uku tutubuka, kabili no Mweo; uyo onse uwa Ncetekela, nangu nafwa, lelo alaba no mweo; uyo onse uwikala kabili acetekela namuli Ine takafwe. Cetekeleni ici?”

¹¹⁹ Ibukisheni, Ena aali kwete insambu shakumu pela umulandu Ena. Ali Mwitile, imiku ibili, lintu ndume yakwe ali nalwala; mulekeni afwe. Lelo, mwamona, ena alikwete icicetekelo. Ena alishibe.

¹²⁰ Kabili nga cakuti ulya umwanakashi umwina Shunamaiti, munshita yakwe, ilyo umwana wakwe afwile, ena acetekelo ukuti Lesa aali muli ulya kasesema, Eliya, kabili aikatilile kuli kasesema Eliya. Ena atiile, “Ngefyo shikulu Lesa aba no mweo, efyo no mweo obe wikala kabili tawakafwe, Ine nshaka mishe imwe.” Ena aali uwa shipikisha. Kabili Eliya taishibe nefyakucita. Ena ailefye mumuputule, aleya kuntashi kabili abwelela kunuma, mpanka Mupashi wa Mushilo, Ukubapo kwakwa Lesa, kwaishile. Ena alele pamulu wa mwana, umwana atesemwine imiku cine lubali kabili abwelele nokuba no mweo. Pantu, umuntu umo aleshipikisha, umuntu umo alikatililile ku icicetekelo, ukufika kumubonfi wakwa Lesa.

¹²¹ Kabili alishibe, ukuti Lesa nga aali muli Eliya, nga mu Mwana Wakwe Ena ninshi Alimo shani. Ena alishibe. Icacetekelo

cishila ukupitila mukumfwa. Kabili na Mukubapo kwakwa Yesu, ena ali uwa shipikisha.

122 Yesu, amoneke kwati, ale esha uku mupilibula, kabili nokutiila, “Ena ali nokubuka,” kabili nafyonse *ifi*, nefyo. Lelo aali uwashipikisha. Ena alipulile konse ukupumya nokulanda, “Nomba nikwisa ukuli bulya ubutantiko bwabundapishi bwa maka yakwa Lesa ubo wacilandapo? Nipesa apo buli? Munonko nafwa nokushikwa kulya kwine nomba. Kabili na Kakumba afumine mumusumba ukufika napashinta afwile, elyo kabili aisa bwela.” Lelo ico tacaiminine munshila yakwe. Ena apitilefye pali kasusha onse mpanka afika kuntu Aali. Apokelele ico aleipushapo.

123 Nomba pano panshita iyapitapo, Naibukishefye palya pe hema... Namwene bamo ababwananyina nabekala pano ukufuma mwi hema munshita yabushiku. Paliko namayo... Naishile mu chalichi. Kabili ifwe tulakwata mupepi nacila bushiku mupepi nafintu tukwete muno mu munsonkano. Kabili eico nomba efyo twali... Ine—Ine nshale pepelako abalwele ilya nshita yabushiku. Kabili kwaliko umwanakashi uwafumine ku California, alikwete ipwalonda, ipwalonda palwaliko lyafinine amapaundi amakumi yasano. Kabili bamusungile kunuma. Kabili bamwebele munshita yabushiku tatwapepeleko aba lwele; kwalabafye ukulanda, pantu Ine elyo nacifumafye mu musonkano.

124 Kabili lintu Nafumine kumwinshi wakunuma, aba kalamba babili bamuletele balemwensha ukumu shingulusha in'ganda, pamupando, noku mwikalikako pa mwinshi, kabili palya pene panshi. Kabili lintu Nafumine panse, ena antintile kukulu kwe toloshi lintu Nalefuma. Atiile, “Munyina Branham, icintu cimo ico Nde kwipushako, kubika amaboko yobe pali ine.” Ena alandile ukuti, “Ipwalonda yandi lyala fumapo.” Kabili ena alifye *ngefi*.

125 Mupepi ne milungu mutanda ukufuma palya ena ali mu musonkano, kabili abulile ba nkashi ukuya mukati ba nkashi ukuya mukati nokumu ceceta. Ukwabula ukumu bombela ukuli konse, tapalipo ne cishibilo icepwalonda apaliponse. Temulandu nangu tabwali bushiku ubwaku pepelako aba lwele, ena ali uwashipikisha. apokele icintu aipwishapo. Icicetekelo calisangile incende yaciko, kabili calikatilile.

126 Mikaya. Kabili Ndeisalila mukashita akanono. Mikaya, mukubapo kwaba shimapepo imyanda isano abakanshiwa-bwino, na bakasesema baci Hebere pamo na bonse. Aatiile, “Ikila panshi, Mikaya, nabakufumyamo mukabungwe kaba kapyunga kuno; lelo nga walalanda icintu cimo cine ico bena balalanda nomba, nokutila Ahabu akonke pamulu, pamo... Ahabu na Johoshaphat banine baye pa mulu; kabili naifwe twailuka ukuti, ukuti ninshi balekubweshesha mwisenge.”

127 Ena atiile, “Apo shikulu ali no mweo, Nalalandafye ico Alelanda kuli Ine.” mwe Lesa, tupeni ba Mikaya abengi! Mwamona?

128 Eico, alolele. Bulya bushiku icimonwa caishile. Acibebetele icimonwa cakwe pamo ne Cebo. Pantu i Cebo cakwa Lesa calandile ukuti, Ahabu, imbwa shili nokumyanga umulopa wakwe, ngafintu shacitiile kuli Nabote. Eico tulesanga ukutila icimonwa cakwe ca ampene bwino bwino ne Cebo.

129 Eico aali uwa shipikisha lintu afumine mulucelo lwakonkelepo. Atille, “Kabiyeni pamulu, lelo Nimona Israeli ali nge mpaanga nasalangana palupili, takwete nakacema.”

130 Kabili uyu shimapepo mukalamba, nangu pali bakasesema, aendele kuntashi, no kumutoba ulupi pakanwa, nokutiila, “Nikwisa uko Mupashi wakwa Lesa waciya lintu Wacifuma muli ine?” Nangu cibe ifyo Mikaya tasakamene pali fintu balandile. Aimine palya. Ena nokutiila, “Muposeni mucifungo uyu muntu,” efyasosele Ahabu, “kabili mumwingishe mukati kafifungo, kabili mumulishe umukate namenshi yafya bulanda. Nalabomba nankwe lintu ena . . . lintu Nalabwela,” mumashiwi yambi, kumuputula umutwe, nangu icintu cimbi.

131 Ena atiile, “Nga cakuti imwe mulebwela, ninshi Shikulu talandile naine.” Oh, ena alishibe apo aiminine. Tacapangilepo ubulekano pafyo bonse batontonkenye; alishibe ukuti aali Mukubapo kwakwa Lesa. Aliumfwile ishiwi lya ka Lesa. Cena cali bwino bwino ne Cebo cakwa Lesa.

132 Efyo naifwe, muli ino nshita ya bushiku, tufwile ukumona ora intu tuleikalamo, nokumona ubulayo bwa bushiku bunu, ukuti i Cebo cakwa Lesa calaile ici. Temulandu fintu umuntu onse engalanda; i Cebo calilanda, kabili Yesu aisa ipanga Umwine eka ukwishibikwa. Umuntu uwashipikisha!

133 Umuntu impofu untu Yesu afishile. . . nangu aposeshe; afililwe, afililwe ukulondolola nangu ukupashanya na masambilillo yabo aya bu kapepa. Lelo icintu cimo cintu aishibe, aali uwashipikisha.

134 Ba wishi na banyina ba fililwe ukulanda. Batile, “Ukuba, ifwe tuletina ukuti bena kuti batutamfya mwi synagoge.” Kabili batile, “Mwipusheni, na fika pa mushinku.”

Atile, “Nani uwakundepe?”

Atile, “Umo, Yesu waku Nazareti.”

135 Atile, “Pela Lesa amalumbo!” Atile, “Twalishiba ukuti uyu Muntu mubembu.”

136 Atile, “Nomba, nga cakuuti Mu bembu, nangu iyo, Nshi shibe. Teti nande ico. Lelo,” atile, “icintu cimo eco Njishibe, kutila Nali impofu inshita imo, nomba Nde mona.”

Batile, “Tatwishibe uyu Muntu uko afumine.”

137 Ena atiila, “Ici cintu ceni. Iwe ufwile waba intungulushi yabuno ubushiku, ukwishiba ifintu fyonse ifya bumupashi; kabili u Muntu aisa apa nokunjisula amenso yandi, ilintu Na fyelwe impofu, elyo kabili tawishibe uko Ena afumine?” Oh, ena aali shipikisha, tapali icintu ica kumupumfyanya. Ena alelanda na Lesa.

138 Nathanael tali uwasakamana, ukumwita Ena, “Shikulu, Imfumu yakwa Israeli,” kuncinso cakwa kakumba wakwe nakuli bonse abashala lintu Amwebele uko aali—ubushiku bwafumineko. Natani tasakamene.

139 Umwanakashi pa cishima tasakamene impendwa ya bantu ba mwebele ukuti tacali mu mafunde ena ukulanda icintu nangu cimo pantu aali cilende. Alikumenye u Mwaume untu alefwaya, ukufuma inshita aali u—u mukashana, alishibe ukuti Yesu aali nokwisa, Kasesema. Kabili asangile uyo Kasesema Uyo uwa mwebele fintu acitile. Ukumulesha? Nga fintu Na lalanda nakabili, ali nge ng’anda ilepya ninshi kuli icimwela icikalamba. Teti mucicite. Umutima wakwe walepya ku nsansa no mutende. Ena balimwelele imembu shakwe. Alimwene Mesiya. Alimwene Ukubapo Kwakwe. Alimwene i Cebo Cakwe.

140 “Ifwe twalishiba ukutiila ilyo Mesiya akesa, Ena ali nokutweba ifi fintu. Lelo iwe niwe Nani? Ufwile waba kasesema Wakwe.”

Atile, “Nine Wine.”

141 Kabili ngacakutila u Muntu kuti acita icintu icili nga filya, teti abepe, ena alishibe ukutila ulya ewali Mesiya, eico ilandwe lisuma lyali sabaninkishiwe.

142 Ifyo tufwile naifwe ukuba pamulilo umowine munshita ino iyabushiku, aba shipikisha ukulenga onse eshibe ukutila Mupashi wa Mushilo ena epwali ileelo, ukuti Wena ulesa pali ifwe kabili nokucita ifintu fimo fine fintu Aalecita, kabili nobulayo bwaino nshita. Ifwe tatuli abashipikisha. Ndesunguka nga cakuti nacitumamo? Mwamona, moneni umwanakashi paci shima.

143 Icintu cimo, Imfwile ukwisala. Ninkwata citika we pepala pafyo nalembele, lelo Ndefwaya ukwisalila nefe. Ici caleta ilyashi kuli ine. Panuma elyo nalapelela abalwele. Cena calaposakofye akashita panono, limbi ikumi limo, nangula ba miniti ikumi limo nabasano, lelo ndolelenikofye pakashita akanono.

144 Nali ku Musumba wa Mexico kwati imyaka itatu iyapitapo. Nibanga baishiba Munyina Espinoza, imwe mwebena Spanish mwebali muno? Cisuma, Ndecetekela abengi pali imwe. Ena ali ni kelula wandi. Twali bonse kulya ku Musumba wa Mexico. Ine nali, ukutali ngefyo baishiba, umofye pali ba Protestanti uwaishile kulya, uutungililwa nobuteko. Lelo Umukalamba wabulwi Valdivia, bushe imwe mwa mwibukisha, ena ni umo

pali balya abena Kristu bashi Makwebo Baume, napokelele, alipuswike kabili nokwisushiwa na Mupashi wa Mushilo, kabili ena apokele ukupitila mubuteko kabili noku nyingishamo.

¹⁴⁵ Kabili eico twapokele incende yashingulukwa iikalamba kulya. Yaleikalika amakana ayengi ayabantu; abengi tabaleikala, baleiminyina. Kabili imwe—imwe muletontokanya palwakwiminina muli uno umuputule pama ora yabili nangu yatatu, bena balya abantu baiminine mulya muciswebebe umwa kaba mukasuba, ukufuma pa naini koloko ya lucelo, ukufika pa naini koloko yabushiku, akasuba naka suba. Kabili ubushiku bumo imfula yaitulwike, bena baiminine palya pene; naulya umwanakashi umwaice umwina Mexico, nomushishi uwa bomba naufimba pacinso cakwe, kabili yalokele namaka ayakalamba icakuti Nalifililwe ukumona kulubali lwanshila ukupita mu cintu bwingi. Tacapangile ubulekano nangu bumo kuli bena; bena baikatilile kuli cilya i Cebo ca Mweco.

¹⁴⁶ Ibukisheni ubushiku bumo kulya, ndeisa mukwingila. Nali kulya panshikufye shitatu. Pacintamba icalepele ubutali ngefi, nangu limbi ukucilako panono. Kwaliko umuntu umukote impofu uwaishile pacintamba, kabili nabena bamuletele ukumuninika pamulu.

¹⁴⁷ Umuntu ulya uwaishile nokunjikata, Namwitile *Manana*, icilepilibula ukuti “mailo.” Ena alecita ifintu panono! Ena nga tafikile palya, kabili, cisuma, aloleshe ukushinguluka, kabili nga afikile palya panshita yonse. Kabili naine uku mupepelako, kabili ine . . . Kabili Namwitilefye ena “Manana.”

¹⁴⁸ Eico bantwele kunuma yaici cibumba icikalamba, pamutanto, elyo banjikisha pa cintamba. Munyina Jack Moore, nibanga aba mwishiba? Mucishinka, Ndetunganya mwali mwishiba; na Munyina John Sharrit nabengi abali pano. Bali palya pacintamba. Munshita ilya iya bushiku, ukwisa pacintamba . . .

¹⁴⁹ Manana apele ama tiketi, ama—ifitupa fyakupepelwapo, lelo Billy aendele pamo nankwe kulubali ukomona ukuti ifintu fyaenda bwino. Alelanda kuli bena nokuba pela ifitupa fyakupepelwapo, lelo Billy aile nokufwaya ngacakuti cali icine cine icalungama nangula iyo, ngacakuti ashitishapo yamo pali ayo, nangu conse ico enga cita, nangu ukuba pela umucinshi; lekeni onse uwacilafwaya icitupa cakupepelwapo apo.

¹⁵⁰ Eico nombu bulya ubushiku elyo ifitupa fyakupepelwapo fyaitilwe, kwali umuntu umukote aishile pacintamba, ukwabula insapato, namolu ye toloshi nayaputulwa, necisote cakale mukuboko kwakwe, nabamukaka ne ntambo. Kabili lintu apalime kuli ine, ali nimpofu, kabili Naloleshe pali uyu muntu umukote. Kabili Naimine palya, nefyakufwala ifisuma fintu Nafwele mubushiku, umuntu umo alimpele insuti iyisuma iyipya, nafwele nensapato ishisuma. Naulya umuntu umulanda

umukote palya, neshati ilyakale ilya lepauka, nolukungu pamubili wakwe onse. Ali palya, impofu iya pwililika, na menso mupepi ayabuta tutu notusanga nge shati lyandi. Kabili, kabili Natontonkenye, “Wecintu cabu nkalwe we Satana acitile!” Ulya umulanda umuntu umukote limbi tatalile akwatapo icakulya icisuma, mu mweo wakwe.

¹⁵¹ Ifya makwebo fyaliba ifyabipisha kulya. Kabili bena, batontokanyafye, nokutila, Pedro, Petelo, aba—aba ka—kula wamayanda, apoka ama pesos amakumi yatatu mubushiku bumo, lelo bafwile babomba inshiku shine pakushita insapato. Mwamona? Kabili nomba nga palwa umunono Pancho, nangu Chico, umunono abomba pano kabili apangafye ama pesos yane mubushiku bumo, nabana baane nangu basano abakulisha? Aleikila kabili nokuishita na cilemba ya ameba, kabili mubushiku Martina alekwata imo kabili—kabili umunono Chico nao alekwata imo, lelo umuntu onse alekwata imo... ukwabula imo. Bali nokusunga ishing, pakushita kandulo yamafuta iyakwasha pacipailo ca golide, palwa membu shabo. Ico ecinjimya saana. Mwaumfwa imwe.

¹⁵² Nomba, uyu muntu umukote aiminine palya, kabili alelanda necintu cimo mu Spanish. Kabili alikwete nobulungu ubunono ubo afwele kuminwe yakwe, kabili Namwebele ukuti, “Fifule,” ukupitila muli Munyina Espinoza.

¹⁵³ Kabili Natontonkenye, Natontonkenye ukuti, “Nalaimya amapeya yandi pamulu. Nokumu fwika ikoti lyandi, nokumweba. Kabili amapeya yakwe yali aya salala ukucila ine.” Nalinganya amakasa yandi nayakwe, natontonkenye, “Ukufula insapato shandi, icakuti tapali nangu umo uumwene, nokumupela insapato shandi,” lelo amakasa yakwe yali kulilepo ukucila ayandi. Kabili Natontonkenye, “Ukuba, cinshi ico Nalacita?” Natontonkenye, “O mwe Lesa!”

¹⁵⁴ Ngacakuti taumfwila abantu uluse teti ufwaye ukweshu uku babombela. Iwe ufwile wacumfwa. Uyowine emulandu untu Ena aumfwile palwa membu shesu.

¹⁵⁵ Nabikilefye amaboko yandi ukumu kumbatila, muli *uyu musango*, Natiile, “Taata uwa mu Myulu, nga cakutila ba taata balikele, nabena ngabali neyi myaka. Niba wishu ba muntu umo.” Kabili Naimininefye palya mumusango ngaulya, kabili Naumfwile ena alepunda, “Gloria a Dios!” Ico cilepilibula “Ubukata kuli Lesa,” namwishiba. Naloleshe ukushinguluka palya, kabili uyu muntu umukote alemona ngefyo Naine nalemona, ale endaukafye aya-uku-abwelela uku pacintaba, aleya aleendafye. Cisuma, kabili, pali ico, babulile bakateka babantu, imyanda itatu nangu iine abaiminine palya, ukubekalika. Kabili balinjimishe nokumbwekesha pamulu.

¹⁵⁶ Ubushiku bwa konkelepo, kwaishile imina iyafikile nga *filya* pamulu, umwina, pamulu-na-panshi palya, ama shaulo

yakale nefisote nefintu, bafibikile palya ukutila finga pepelelwa. Tacishibikwe nefyo caishibikwe ukutila ici cali cakwa naani, Ine nshishibe, fyonse fyalonganikwe palya, epo fyaikela. Kabili yaleloka. Nalicelelwe. Kabili Naingile mulya, kabili Natampile nokushimikila, “Icicetekelo e shintililo lyafintu ifyo tusubila, icishininkisho cafintu ifishimonwa,” kabili Munyina Espinoza palya alepilibula.

¹⁵⁷ Na Billy aishile nokwisa pampansha pacipeya, atiile, “Taata, mufwile mwacitapo icintu cimo.” Atiile, “Manana napela ifitupa fyakupepelapo.” Kabili atiile, “Kuliko umwanakashi umwaice uwiminine palya, namayo umunono,” atiile, “nakwata umwana uwafwa, acifwa muno lucelo.”

¹⁵⁸ Namumona icilembelwe mwi pepala lyalyashi ilya Pwililika ilya Mbila nsuma yaba Shimakwebo Baume. Kabili, ibukisheni, ico cifwile caba icashininkishiwa bwino ilyo tacila lembwa. Dokota afwile alembapo pali iyi imi sosele, ukutila cacishinka, lintu mwacibika mukulembwa.

¹⁵⁹ Kabili atiile, “Ena ali kulya, uukwete umwana uwafwa,” atiile, “acifwa muno lucelo.” (Kabili cali mupepi na nainisate, nomba.) Atiile. . . (Kabili ngenshita inoine iya bushiku.) Kabili atiile, “Acifwa muno lucelo.” (Ena aciba naiminina nomwana mumfula akasuba konse, kabili tacishiba Espinoza ninani, nangu, Ndepilibula, Manana acila pela ifitupa fyaku pepelwapo.) Kabili atiile, “Takwete icitupa cakupepelwapo.” Ena atiile, “Ninkwata aba kuteka abantu abali amakumi yane nangu yasano, nabafilwa ukumufumya pacintamba.” Atiile, “Ena alepita pesamba, abasunka, anina panuma shabo, nangu icintu conse, ilyo, ale esha ukunina palya pamulu.”

¹⁶⁰ Kabili Natiile, “Ukuba, Nalamyeba.” Natiile, “Isa kuno, Munyina Moore.” Namwishiba, imwe bonse, abengi mwacimya amaboko, mwalimwishiba Munyina Jack Moore. Natiile, “Munyina Moore, ena teshibe ine nine Nani. Ena teshibe. Kwali bakapyunga abengi abaiminine palya, balelanda, abengi ba Baptisti nefintu fyonse, eba letungilila ukulongana.” Kabili Natiile, “Nomba, imwe, kabiyeni kulya mupepeleko umwana, taishibe ubu pusano, mwamona.”

Ena atiile, “Nacilungama, Munyina Branham.”

¹⁶¹ Atampile ukwenda alefuma pacintamba, mupepi nokufika pacibumba palya, kabili Napilibwike. Abantu tabaishibe, pantu tabale umfwa Icisungu. Kabili Natiile, “Nomba ngafintu Nacilalanda, ici cetekelo eshi- . . .” Kabili naloleshe kuno kuntashi yandi, Namwene umunono umwina Mexico, umwana uwafita pamenso takwete nameno, aikelefyepalya alensekela, palya pene pantanshi yandi.

¹⁶² Natiile, “Loleleniko panono, Munyina Moore.” Natiile, “Ebeni namayo munono ese kuno.”

Na Billy atiile, “Taata, takwete icitupa cakupepelwapo.”

Natiile, “Namonafye icimonwa Billy.”

¹⁶³ Kabili batentemukile pesamba palya basenda na namayo munono. Bamumwene aleisa, alebutuka ukwisa pamulu palya, kabili afukeme pamakufi yakwe, atampile ukubilikisha “padre,” icilepilibula “*taata*,” namwishiba; Namwipushe ukuti eminineko, Munyina Espinoza. Ikata umwana; kabili akwete umunono, bamufimbile ubulangeti ubwa mishilwa yamakumbi makumbi neya buta, ninshi nabalokwa, namenshi yaletona, nomushishi naupona. Umwanakashi umunono uwamoneka-bwino, limbi ewali umwana uwakubalilapo, aali ena mumyaka...ama kumi-yabili na ibili nangu amakumi yabili-naisano mukufyalwa aikatilile ulya umunono mumusango ulya; umunono, uwakosa panshita ntali *ngailya*, namufimba ubu ubulangeti. Ine natontonkenye.

¹⁶⁴ Bonse batontonkenye ukuti Nalepepafye, ukumufumyapo, namwishiba, ukutila ukumufumyamo mumaboko yabo kulya.

¹⁶⁵ Kabili Nabikile amaboko yandi pa mwana umunono, kabili Natiile, “Taata mwebaba mu Myulu, Ine nshishibe ukuti—ukuti uyu mwana; Lelo Nacimona icimonwa palya, inshita inono yapitapo, iya munono umwina Mexico, acimoneka ngomunono umwana uwafitulukila pacinso uwacilaseka.” Kabili Natiile. . . Tabapilibula ipepo, namwishiba. Kabili Natiile, “Nacimumona aleseka.” Nabikilefye amaboko yandi pali ena, muli *uyu* musango, mwi Shina lyakwa Yesu Kristu, nokupepa, kabili nomwana umunono apantile nokutampa ukulila mumaka ngafilya. . .Nokutampa ukupunda.

¹⁶⁶ Kabili Natiile, “Munyina Espinoza, wilemba ico nomba. Tuma uwakutila abutuke, pamo nomwana kabili naulya umwanakashi, umutwale kuli dokota.” Kabili bulya ubushiku, baitiile dokota ukwisa, na dokota alembele pali iyi misosele ukutiila umwana afwile kukalaso, lulya ulucelo mucipatala cakwe, nangula mwi ofeshi lyakwe, pa naini koloko; kabili apa cali muma teni koloko bulya ubushiku, ukuba uwafwa ukutula ulucelo, nokubwela ukuba no mweo; kabili ali no mweo ileelo kubukata bwakwa Lesa.

¹⁶⁷ Pamulandu wacinshi? Ena aali uwashipikisha ngoyu umwanakashi umunono umwina Syropheneka uwaciba pano, untu tulelandapo munshita yabushiku. Ico cilelangisha ukuti Lesa aba cimo cine mailo, ileelo, no muyayaya. Ici cintu cali, (cali cinshi cena?) ena alyumfwile palwa kwa ulya umuntu umukote impofu.

¹⁶⁸ Ali ni Katolika mucicetekelo. Bonse niba Katolika, eico lintu wafyalilwa mu Mexico palya penefye waba Katolika.

¹⁶⁹ Eico bena balya abantu balimwene umuntu umukote uwali impofu pamusebo alelanda palwa bunte bakwe. Ena, balyumfwile palwa ico. Uyu umwanakashi tatalile amonapo icisungusho. Lelo alishibe ukuti Lesa ngakuti apela impofu

amenso, kuti Aimya umwana wakwe kumfwa nokubwelela ku mweo, pantu ali ni Yesu Kristu umo wine. Ena inshita shimo shimo aelenga ba Pentecosti ukuba aba cefiwa. Kabili ico nacilungama, neci cetekelo camusango fi, pantu ali uwa shipikisha ukuti califye ni Lesa uwinga bwekeshapo amenso. “Kabili nga cali ni Lesa uyo uwinga sunga i Cebo Cakwe nokubwesha amenso, Ena kuti aimya nabafwa.” Kabili Alicitile pantu ali uwa shipikisha. Kabili kuti naba palya ubushiku nabumbi bumo, kabili limbi . . . Bulya ebwali ubushiku bwakwe.

¹⁷⁰ Bushe teti tube, munshita yabushiku, bacibusu, bushe teti tube abashipikisha. Bushe teti tupule muli iyi mfifi yamalwele pano nokupokelela Yesu Kristu nga—nga Kondapa wesu? Teti mucicite ico?

Natupepe.

¹⁷¹ Shikulu Yesu, O mwe Lesa, Ine—Ine nshishibe nafimbi ifya kulanda. Napepa, mwe Lesa, Nalaitafye umulongo waba kupepela uunono, mwe Taata? Limbi Mwala langisha abantu ukuti, bacite icintu cimo ico Imwe Mwacitile palwa—palwa mfwa Yenu no kushikwa; ukuti buno bushiku ne nshita, limbi kukaba abeni kuno, ukuti limbi twingamona ukutila Imwe mwaba cimo cine mailo, ileelo, no muyayaya, ukusunga i Cebo Cenu. Kabili limbi kuli nokubako umo nacilya ici cetekelo ica linga uwakupita pali bulya ubucingo kwishilya, ubo ubucingo ubwaiminina, bulya ubucingo ubwa lubembu, bulya ubucingo ubwakukana cetekela kwishilya, ukupita pali cilya, ukufika uko ifintu fyonse finga citwa. Fikilisheni ico, Shikulu. Baali tweba ukuti ilyo ilya indeke yapita pabucingo bwaiminina ukubutukisha kwacilapo na maka. Lesa, nga kuti ifwe twapitafye pali yalya amaka ayakukana cetekela, ifisungusho ne fintu, no bulayo bonse ubwakwa Lesa, fyaba ifya cilapo, “pantu ifintu fyonse kuti fyacitwa kuli ena uyo uwa cetekela.” Fikilisheni ico, Taata. Twaipusha ico mwi Shina lya Mwana Wenu Yesu Kristu. Amen.

¹⁷² Ngacakuti nacelwako panono, bushe cili ica lungama ukutwalililapo kuntashi kabili nokulekafye tukwate, ukwita umulongo uwaba kupepelela? Nalishiba abantu nabanaka, lelo natwitefye umulongo unono uwaba kupepelela. Natumone, pali Cimo ubushiku twakwete abacilembo ca A, bushe ico nacilungama, lintu twakwata ifitupa fyaku pepelwapo? Nangu, iyo, Ndepilibula pali Citatu ubushiku. Ndetontonkanya pali Ci- . . . Citatu ubushiku ebushiku bwali ubwa kubalilapo, cali niba A, kabili nobushiku bwafumineko cali niba B, kabili mubushiku ileelo calaba niba C. Twaitiile ukufuma panambala ya cimo ukufika pa makumi-yabili na fisano, muli ba A. Ndetontonkanya ukutiila ico cali icalungama, bushe tacali ifyo, inambala ya cimo ukufika ku makumi-yabili na fisano, muli ba A? Bushe ico nacilungama, inambala imo ukufika ku makumi-

yabili na fisano, muli ba A? Imo ukufika kwikumi limo na fisano, muli ba A.

173 Cisuma, natwite muli ba B, abafitupa fyakupepelwapo ifya mailo, nomba. Natwite ba B, ama nambala amakumi cine lubali-na fine ukufika ku mwanda. Ifitupa fyakupepelwapo ifya ba B. Twalafika pali ba C nabonse. Tukwete ba B, amakumi yabili-nafisano. . . Iyo, B, amakumi cine lubali-na fisano, Nincetekela Natiile, tacaciba ifyo? ba B, amakumi cine lubali-na fisano ukufika ku mwanda umo. Cisuma. Leken i beminine kuli *ulu* ulibali nomba. ba B, amakumi cine lubali-na fisano ukufika ku mwanda umo, iminineni kuli ulu ulubali. Iseni kuno kwine kuno lubali kabili tantameni pano, imwe bamo mweba bwananina kabiyeni pesamba. Billy, Roy, imwe bamo kabiyeni pesamba palya nokumona ukuti abantu baba mumulongo waku pepelelwa. Cisuma.

174 Ndefwaya ukutila mwikatane muma tontonkanyo pakashitafye akanono. Nomba mube aba mucinshi icine cine. Nomba lolesheni, abantu bamo baya nokutila, “Kashimikila afwele tayi iya lubana. Afwele insuti ya lubana. imicitile Yakwe tailungeme. Teminina munshila iyalungama.” Ukuba, mwamona, iwe taulati ukwate ici cetekelo. Mwamona?

175 Nga cakuti umuntu aingila pali ulya mwinshi kunuma kabili akweba ukuti bacikwata ulu. . .bena ukuti, acikwata ulupiya pali ceke nangu ceke iyobe, iya ama dollar milioni umo, teti usakamane nga cakutila alisambilila nangu tasambilila, teti usakamane nga cakuti alisambilila nangu tasambilila teti usakamane nga cakuti nafwala ofoloshi nangu nafwala insuti yamucungulo, teti usakamane nga cakuti ali uwafita, uwamutuntula, bulauni, uwabuta.

176 Tekombe; lelo ni Mbila intu mulefwaya uku kutikako. “Yesu Kristu aba cimo cine mailo, ileelo, no muyayaya.” Nibanga baishiba palwaico? Nomba ngacakuti fye—fye. . .

177 Ngacakuti—ngacakuti kalungisha palya, Ndetontonkanya, Mista Ruby, nangu Ndetontonkanya eshina lyakwe, untu Nakumenye ubushiku bumbi, ngacakuti acitefyo. . .Natupela inyali, ngefyaba ngefyo pano, ngacakuti kuti alolelakofye ama miniti yanono pamulandu wa Mbila nsuma.

178 Nomba umuntu onse naabe uwamucinshi wacine, lelo ube uwashipikisha uwacine. Nomba kabiyeni abalungama ukucila pacifimbo.

179 Nomba lintu Yesu Kristu aundapa abalwele. Nomba, Nshilelanda ukuti bali nokundapwa; Ine teti mwebwe ico. Ibukisheni, Nshakwata amaka yakundapa. Nshakwata amaka, naimwe tamwakwata amaka ayali yonse, pali ifwe bonse tapali. Twalikwata amaka. Nibanga abakutulwike pali ico?

180 Lolesheni kuno, lekeni imipushepo icintu cimo. Ukufuma muno mu musebo, pano pa musebo ukalamba uwapamfiwa

ico icileisamo ukufuma mu musebo wamaka uukalamba, kwali ukwalungama ukufuma mu—mu sebo untu balipilishamo, Namona ukubutuka kuli pali ba mailosi amakumi cine konse konse pali ora umo. Kuliko ba motoka abaleisa kulya, konse ukufuma pa myanda ibili ukubutuka, ukufika pali—pali—pali pa myanda itatu nangu yane ukubutuka.

¹⁸¹ Uukwete inambala amakumi cine lubali-na mutanda, mukwai naese. Balefwaya uukwete inambala amakumi cine lubali-na mutanda. B, amakumi cine lubali-na mutanda, limbi afwile ukuba umuntu uushumfwikisha. Lolesheni konse. Oh, Njeleleniko. Cisuma. B, amakumi cineluba-... Bushe ico nacilungama, Munyinane? B, amakumi cine lubali-na mutanda. Cisuma.

¹⁸² Nomba moneni, icakumwenako, uyu uuleisa apa umunono kapokola ukufuma kulya mumusebo uukalamba, ena munono nganshi icakuti icisote cakwe nacifimba namatwi, kabili tafinine ukucila pama paundi umwanda umo. Nomba bushe nakwata amaka ayakalamba ayakwiminika umo motoka? Kabili kuleisa yamo ayali yatatu nangu yane ukutalukana, ayalebutukisha apakalamba ukwingila muli ulya musebo ukalamba, pama myanda itatu ukubutuka cila imo. Teti eminikepo imo motoka iibutukishe. Kabili apa aya ama motoka efyo yalebukuka. Lelo lekeni icishibilo cilangwe, kabili lekeni ena emye ukuboko! Ena teti akwate amaka, lelo nakwata insambu. Nomba kutikeni kukulila kwama buleki, kabili aiminika napambali, na bonse baiminina. Mulandu nshi? Pantu nakwata insambu.

¹⁸³ Nshikwete amaka ayali yonse. Naiwe taukwete amaka ayali yonse. Lelo natukwata insambu, ameni, icishibilo caci cetekelo icileselela pa Cebo, “Na licicetekela Cena. Cena Ecine.” Ico eciminina. Lintu iwe washipikisha.

¹⁸⁴ Kapokola umunono aiminina palya noku lisha pintu kabili nokwimya ukuboko kwakwe, Ndemyeba icintu conse cifwile caiminina. Shena ni nsambu shakwe. Shena ni nsambu shakwe, uku cetekela.

¹⁸⁵ Nomba mwa cetekela, cila umo pali imwe. Nomba imwe mwebemine umo, nomba mwinenuka, i—ikalenifye apo pene kabili nokuya kuntashi, landeni ukuti, “Shikulu, uyu muntu teshibepo icili conse pali ine. Ndi uwashininkisha pali ico. Ngacakuti asosa, ukunjeba, Ine—Ine nalacetekela nomutima wandi onse.” Nomba finshi ifyo twalaishiba?

¹⁸⁶ Kondapa Ninani? Yesu Kristu. Bushe ico nacilungama? Cisuma, nomba, ngacakuti Ena alipano, cisuma, icintu eco tufwilefye ukucita ku Mwipushafye. “Kabili Ena e Shimapepo Mukalamba uyo untu twingakumya ne myumfwile ya membu shesu.” Bushe ico nacilungama? Cisuma. Nomba, “Ena abafye cimo cine mailo, ileelo, no muyayaya.” Ileelo Ena e Shimapepo

Mukalamba. Musango nshi, musango nshi Ena acitilemo lintu umwanakashi aikete ku nsalu Yakwe amakana yabili iyamyaka yapitapo? Alipilibwike kunuma kabili nokumweba ubwafya buntu akwete, kabili alandile ukutila ici cetekelo cakwe ecamundepe. Bushe ico nacilungama? Cisuma, Ena abafye cimo cine ilelo, afwilefye ukucita umusango umowine, pantu Ena abafye cimo cine.

Nomba umulongo wa bakupepelela wateyanishiwa?

¹⁸⁷ Nomba apa pali umwanakashi uyu uuleisa pano. Ukukonkafye nefyo Naishiba, Ine—Ine nshatala mumonapo ena. Ena mweni uwapwililika kuli ine, ukukonkafye nefyo Naishiba. Ifwe tuli beni kuli cila umu nomunankwe. [Nkashi atiila, “Ine nali mumu sonkano obe mu 1947, 1950 ukufikafye namu ’53.”—Kale.] Ena atiile alesangwa mu misonkano yandi mu’47 kabili namu’53.” Lelo mu... [“’51 ukufikafye namu ’53.”] ’51 ukufikafye namu ’53. Lelo ine ukukwishiba, Ine nshakwishiba. [“Iyo.”] Iyo.

¹⁸⁸ Mwamona, pamofye nga—nga Ine nakukumenye umulungu umu nangu ibili ukufuma pali nomba, Teti inkwishibe. Kulesa abantu abengi kumisonkano, amakana amakumi nama kumi ukufuma palya, mwamona, kabili Tekuti njishibe. Lelo ukukonkafye ngafintu Ndepilibula, bushe Ine, “naunjishiba,” namunjishiba pantu mulesa mumisonkano. Lelo ine ukwishiba imwe, nangu ukwishiba ifyo ubwafya bobbe buli, nangu ukwishiba ifyo mwacita pakati kaino nshita kabili nalilya, nangu ilyo ilya nshita tailafika, nangu ifyo mulekabila ukucita, ifyofine, teti Njishibe. Iyo.

¹⁸⁹ Lelo pantu tatwaikala pamo panshita ntali ukwishibana, ukweshu uku... Ubushiku bwafumineko, Ine—Ine nalekele ilyo inshita tailafika. Ine nshamwene; Ine—Ine—Ine nshatontonkenye ukuti kwalisheleko bamo. Nashile babili nangula batatu nabeminina mumulongo. Nshali nokucita ico. Nsha cicitilefye. Nshaishibe no mulandu cabelele ifyo. Nalifye... Cisuma, umuntu onse, camoneke kwati inshita naifika. Tamufwaya uku pampansa abantu. Mufwaya baleumfwa ububi pakufika palya nokwikatililafye kuco imwe mulelanda, mwamona, kabili bena baundapwa. Nga tamulefwaya, mulandu nshi, bena—bena tabondapwa.

¹⁹⁰ Nomba uyu namayo pano, uyu emuku wakubalilapo ifwe ukukumana. Nomba nga cakuti Aba “cimo cine mailo, ilelo, no muyayaya,” nomba nga cakuti Aali pano naiminina neyi insuti intu Ampele, ukupitila mumuntu umu umusuma ampela iyi insuti, nomba nga cakuti Aali naiminina pano neyi insuti imfwele, bushe Ena kuti amyundapa? Iyo. Iyo. Ena alicitile ico kale, mwamona, “Ena alashilwe pamembu shesu.” Teti amyundape. Nibanga abeshibe ukuti ico Ecine? Cena cali citwa akale.

¹⁹¹ Umubembu onse pano, teti Amipusushe; Alibomba kale. Ufwilefye wacipokelela cena.

¹⁹² Nomba ngacakuti Aliminine pano neyi insuti nafwala iyo Ampele, Kuti acita...Icintufye cimo eco Enga cita, enga landa...Nga cakuti walanda ukuti, “Nindwala. Ndekabila. Nangula, Ninkwata umutemwikwa umo umulwele,” nangu conse, “Ndi mubwafya bwa lupiya. Ine—Ine ndi nobwafya bwapa n’ganda,” nangu conse ifyo cili. Tekuti cicitike, tekuti Akupele ico iwe. Ena kuti akwebafye ukuti Aali shita ico kaale. Nomba nibanga abacumfwa ico? Ico cacishinka, mwamona, mwamona, pantu cena calicitika kaale. Mwamona? Teti cicitike. . .

¹⁹³ Nga cakuti walilubulwa ukufuma ku cintu conse, ulya—ulya uusendelamo—panuma aku kongweshwa indalama tekuti akwikatilile panshita ntali, ngacakuti wali lubulwa. Nga cakuti naukwata lisiti, ukuti calilipilwa, ico ecipwisha umulandu. Teti cikatililwe nakabili.

¹⁹⁴ Twalikwata Lisiti, mwamona; nomba nga cakuti naukwata ici cetekelo icakuti bakupela impiya! Mwamona? Lelo nomba ngacakuti Aliminine pano, naine ukubika ukulongana kwandi pali ena, “Ena abafye cimo cine mailo, ileelo, no muyayaya,” Ena kuti aishiba ifyo ubwafya bobbe buli. Kabili ico icine cine. . . Ine ukukana cishiba ico, kuti icine cine calanga ico ukuti ni Ena. Cena cifwile ukuba maka yamo, amaka yamo. Cena ciminafye paco uletontokanya ayo amaka ukuba. Pantu, iwe nawishiba ukutula Nshikwishibe iwe, ukulanda mubuntunse. Cifwile caba amaka yamo. Kabili nga wacekela ukuti ni Ena. . . Kabili nga wakana ukucetekela ukutula ni Ena, pantu, taufwile waiminina na pano. Kabili, lelo, nga cakuti wacetekela ukuti ni Ena, nomba nga kuti Akweba ico wacita, nangu ico ukonkele pano, nangu—nangu icintu cimo, ico icinga kusha ici cetekelo cobe, bushe teti cicite?

¹⁹⁵ Bushe kuti cakusha icenu uko kulya? Ilyo, pano mukwishiba kwandi; uku konkafye nefyo Njishibe, Nshatala monanapo noyu umwanakashi mu mweo wandi, kanofye bamo mu cintu bwingi, nangu—nangu limbi ena ali mumulongo wakupepelelwa, nangu icintu cimo icili ngefyo, imyaka ne myaka yapitapo. Ukumwibukisha ukuli konse pali ena; tapali. Lelo lekeni Shikulu angafwilishe. Ngecabupe. . .

¹⁹⁶ Mwamona, kwati nalimo nga aba bakapyunga pano. Imwe mwalishiba akale, nga cakuti mwali ng’umfwa ndeshimikila, Ine—Nshili kashimikila. Nshakwata ama sambililo. Eico teti njite kashimikila, lelo palipo umuntu uyo pano uucililepo uwinga cita ukucila Ine.

¹⁹⁷ Lelo icabupe candi cafuma kuli Lesa, pantu Naliutemwa Ena. Kabili—kabili ici Nali cetekela ukuti, “ifyabupe nokwitwa fyabapo ukwabula ukulapila.” Fyena fyamwena kalibela na Lesa. Fyaba muli cila nkulo. Kabili icipandwa candi muli ici

caba muli cilya Cebo, pakuti Cena cibe ica mweo nakabili, ciba i Cebo icaku lingulula nokwishiba. Ico busesemo, ubo ubwalaiwa umwabela Malaki 4, ukuba muli buno bushiku, ciletulenga ifwe ukuba bwino bwino mubushiku bwakushalikisha.

¹⁹⁸ Nomba Shikulu Yesu nga anjeba apali ubwafya bobbe, bushe walancetekela ukuba kasesema Wakwe, nangu umubonfi Wakwe? Leken i Acifikilishe ico. Iwe ulelwala ubulwele ubwa—ubwa pa nkanda. Kuliko icilubene ne nkanda yobe. Ico nacilungama. [Nkashi atiila, “Ee.”—Kale.] Nomba ico nga cakuti nacilungama, imyako ukuboko kobe. Mwamona? Eico. . .

¹⁹⁹ Nomba Nintwalililapo ukumfwa ico cileisa ukufuma kulya, umuntu umo atiila, “Aci tunganyafye ico.” Nomba lolelenikofye panono. Nshacitunganya ico, namayo. Bamo, mwamona, bena. . . Teti ufise itontonkanyo nomba, mwamona, pantu Ena ali pano. Kabili Nimbula umupashi onse uuli paano nokuubika pe samba lyabutungulushi bwandi mwi Shina lyakwa Yesu Kristu, mwamona, kubukata bwakwa Lesa. Nshacitunganya ico.

²⁰⁰ Ubo bulwele bwamushipa. Iwe naukwata ubulwele bwamushipa ebo ukwete. . . ebule kushupa iwe. Iwe ulepepelako umutemwikwa umo. [Nkashi atiila, “Ee.”—Kale.] Uyo mwanakashi. [“Ee.”] Uyo ni-mupongoshi-obe umwanakashi. [“Ee.”] Kabili ena alalwala cipumputu. [“Ee.”] Ico nacilungama.

Nomba Nshacitunganya ico. Cisuma.

²⁰¹ Cicetekelofye ico! [Nkashi atiila, “Bushe nalubulwa?”—Kale.] Iwe cetekelafye ico nomutima obe onse; kabili ngafintu wacetekela, ifyo fine efyo calaba kuli iwe. Nacetekela ico. [“Ena alubulwa?”] Ine—Ine nala cicetekela. Nga cakuti wacitetekela, calaba ifyo fine.

²⁰² Mwamona, Ine teti icifumye ukukonka neci cetekelo candi. Mwamona? Mwamona? Kutulukeni.

²⁰³ Kuti mwacicita shani? Ine elyo nalufishe ba mayo, pamyaka ibili iyapitapo. Kabili lintu Nakumona iwe uleisa mumusango uyo, cena cileta ukwibukisha. Bushe teti Mbe umuntu uwasulwa ukwiminina pano, ukwimininako Yesu Kristu, kabili nokuba kabepa? Ico kuti caba icabipa kuli ine ukucita ici—icintu caba ngeco. Lelo Ine—Ine nshili kabepa. Ndi mubonfi Wakwe. Nga cakuti Lesa kuti ansuminisha, mukusenamina Kwakwe, naishiba icintu cimo palwa iwe, ukuba, iwe uli noku cetekelafye ukuti cafuma kuli Lesa? [Nkashi atiila, “Ee.”—Kale.]

²⁰⁴ Nomba ico abantu bali noku kutuluka. Lolesha pano, wamona. Uko ukulingulula kumo nakucilapo nga cakuti ine Nacila shimikila ukufika pakati kabushiku. Yesu atiile, “Nailuka ukuti amaka nayafumamo.” Nga cakuti ico cali ifyo ku Mwana wakwa Lesa, nakucilapo pali ine ne mubembu? Mwamona? Daniele amwene icimonwa cimo, aculile mumutwe wakwe panshiku ishing. Nibanga baishiba ico? Cituntulu.

Mwamona? Imwe tamwiluka kulya ukusenamina Lesa apela ifwe.

²⁰⁵ Nomba, namayo alelwala ubwafya bwamu mala. Cena cili mwifumo lyobe. Namona iwe ulefuma pe tebulo. Kabili ico cilengwa ukufuma ku—ku bwafya bwamishipa ico icilenga ifumo ukubefyo, ico icilenga ifyakulya ukufilwa ukupelekwa. Fyena filonda fya mumala, icine cine efyo cili, mumala. Kabili naucetekela ukutiila Lesa alaundapa ico pali iwe? [Nkashi atila, “Nincetekela.”—Kale.] Wacipokelela ico ngo muntu uupolele? Iwe cetekela ukuti Lesa alacifumyapo pali iwe. Lesa akupale. Kabiye, kabili leka Shikulu Lesa acifikilishe ico pali iwe.

Uwamucinshi icine cine.

²⁰⁶ Ulishani iwe? Tuli beni kuli cila umo nomunankwe, Ndesubila. Uku eku kumana kwesu icine cine ukwakubalilapo, efyo cili? [Nkashi atila, “Nalisangwapo mukulongana.”—Kale.] Iwe walisangwapo mukulongana. Lelo ine ukwishiba iwe, nshikwishibe.

²⁰⁷ [Munyina Branham aleka ukulanda, kabili elyo apilibukila kucintu bwingi—Kale.] Iwe wacila ipusha palobe. Ngakuti wacetekela, uko ukukalipa kwa filundwa kwalafumapo pali iwe. Ee. Ena aikele palya, nakontenka umuntwe wakwe, alepepa. Cena cilefumapo, nga cakutiila iwe wacetekela ico. Umulume obe, bushe naucetekela ukuti Lesa kuti asokolola kuli ine ubwafya bwakwe ifyo buli? Bushe naucetekela ukuti Lesa kuti anjeba? Iwe uli uwasansa ukwishiba ukutila ena ali nokupola kuli ico. Walikwata ubwafya bwepwalonda ubo ubukusakamika. Imyako ukuboko.

²⁰⁸ Ine nshatala mbamonapo, mu mweo wandi. Njebeni ico bacikata. Nomba ipushenifye ilyo ilipusho. Finshi bacikata? Bena tabacikata ine; pantu bali apatali ama fiiti amakumi yatatu ukufuma pali ine. Lelo bena bacikata Shimapepo Mukalamba.

²⁰⁹ Nga cakuti ndimweni kuli imwe mwe bantu, shunsheni amaboko *ngefi*. Imwe—imwe—imwe mwebekele pano, nga Ine. . . Nasunshafye ukuboko *ngefi*, nga cakuti Ine ndimweni kuli imwe. Mwamona? Mwamona? Imwe mwaciba namwikalafye palya. Kabili na namayo acila pepa, mwamona; kabili Naena, ukwiminina pano, ukupilibuka pamo ngefyo Acitile muli Baibele. Te—teine ukupilibuka; Ena ukupilibula ine.

²¹⁰ Lolesheni, Ine nshaishiba ifyo fintu. Cena cili ngeci icisoselo, cena cintu icapwililika ukuba tondolo ukwabula icintu cimo ukulanda ukupitila muli cena. Lelo imwe kuti mwaumfwa ukupitila muli ici icisoselo, (ico nacilungama?) lelo ici soselo teti cilande, palwaciko ceka. Cena tacakwata ishiwi. Ine nshibeshibe balya abantu. Bushe teti mwiluke ukuti cena cili Mukubapo kwakwa Lesa, ico icilebomfya cena, ukulangisha imwe Ukubapo Kwakwe? Pushenifye bwino muli lwena!

211 Nomba ifwe ukuba abeni kuli cila umo nomunankwe, imwe muli abaicepo pali Ine. Ifwe limbi twafelwe imyaka iyacilana naba mailoshi aba patuka, kabili pano twakumana umuku waku balilapo. Nomba lintu Lwena lwaile palya, Ine kuti nayafye; Lwena Lubuuto, Ndalumona Lwena, Mwamona. Mupashi wa Mushilo Lubuuto, twalishiba ifyo. Lelo Shikulu Yesu nga kuti angafwilisha ukwishiba ifyo ubwafya bobbe buuli, bushe wala nceletela ukuba umubomfi Wakwe, kabili ishizeni ukutula teine, ukuti ni Ena?

212 Ndifye umubonfi Wakwe, pamofye nge cisoselo. Nomba, ili, tebulo lubali lwafipuna fya mu n'ganda lelo tacapangilwa ukulanda; eci sungila Baibele. Ici icisoselo teti cinsungile Baibele; cena cisenda ishiwi lyandi. Cisuma, mwaliba ifyabupe ifyalekana lekana mu chalichi; fimo lishiwi Lyakwe, fimo fimonwa, fimo fintu fimbi bena bacita. Lelo Nabafye ku cimonwa, nga nemubomfi Wakwe.

213 Nomba Lesa nga kuti anenga naishiba ifyo ubwafya bobbe buli, cinshi ico ukonkele pano, iwe walancetekela, noku cetekela ukuti cena Cebo cakwa Lesa. Iwe ulecula nobulwele. Ubulwele buli munkanda. [Nkashi atiila, "Ico nacilungama."—Kale.]

214 Mwamona ico? Naishiba nga cakutula cituntulu nangu iyo. Mwamona? Nomba, ilyo mwalanda nankwe apa kalamba elyo ifingi fyala landwa. Ena muntu umusuma nganshi.

215 Ifyo fine, lolesheni kuno pakashita akanono; nomba bonse abashalako pali bena nga cakuti kuti mwabaleta mukwangufyanyako panono. Natulandekofye ama mineti yanono, ukuba ukuti imwe mulibantu basuma. Nomba namwishiba ukuti icintu cimo naci citika kuli imwe. Nomba pakati kenu Naine pali u Lubuuto. Bushe mwalimona icikope Caluko? Lwena nalwiminina pakati kandi naimwe. Ine ndelolesha pali imwe, ukupitala muli ulu u Lubuuto. Mwamona? Kabili namu cetekela Lesa kuti anjeba abo imwe muli? Ena aebele Simoni untu aali.

216 Nibanga aba cetekela ico? Ifwe tuli pano namaboko natwimya pamulu, ifwe tuli abeni abapwililika.

217 Bakwita "Florence," ishina lyobe ilyaku shalikhishapo niwe McAllister. [Nkashi atiila, "Ico nacilungama. Ico nacilungama."—Kale.] Bushe naucetekela Lesa kuti anjeba uko ufumine? ["Ee."] Iwe taufumine pano. ["Iyo."] Iwe ufumine kucifulo icitwa Lawrence, Kansas. ["Ico nacilungama."] Ico nacilungama. Nomba bwela, Yesu Kristu akuposha. Um-hum.

218 Kwata ici cetekelo muli Lesa. Wamona? Wamona nicinshi? Nomba mukwai beni abamucinshi. Wisela. Wamona, wisela.

219 Lesa alondapa shuga. Bushe naucetekela ico? Bushe naucetekela Ena alakundapa? Iwe konkanyapofye, nokutiila, "Na Mitotela, Shikulu." Kabili ci cetekele nomutima obe onse, kabili walaundapwa.

220 Bushe ulecekela ukuti Lesa kuti aposha ubwafya bwa cinanamayo ubo wakwata? Ninshi twalilila, ukulanda ukuti, “Na Mitotela, Shikulu. Na cicetekela no mutima wandi onse.”

221 Cisuma, lekeni namayo ese. Walikwata ubwafya bwa cinamayo, kabili walikwata no bulwele bwa shuka. Naucetekela ukuti Lesa ali nokukuposha? Twalililapofye ukwenda, nokutila, “Na Mitotela, Shikulu,” kabili cetekela no mutima obe onse nomba.

222 Isa. Ubwafya bwa mishipa uleta ubwafya mumala. Bushe naucetekela ukuti kuti walya icakulya cobe camulalilo nomba? Kabiye, uletila, “Na Mitotela, Shikulu.” Ulye icakulya ca mulalilo nokucetekela no mutima obe onse.

223 Lesa alaposha ubwafya bwa mutima. Bushe naucetekela ukuti Ali nokuposha ubwafya bwa mutima? Cisuma. Kabiye, ucicetekele, kabili Ali nokucicita, wa mona, nga cakuti wa cetekela.

224 Nga nga cakuti Nsha cilanda nangu cimo kuli iwe, ukulangishafye icicetekelo ico Nde cetekela ukuti walikwaata ukubikapofye amaboko pali iwe, bushe ulecekela kuti wapola? Isa kuno. Wacipola lintufye wacifuma palya, naco. Ico cishinka nalyo line.

225 Isa. Nifyo fine, umuntu onse namona uyu namayo alesunta, ifyo efyo aba umweo wakwe onse. Lelo icintu nacimbi wakwata, bulwele bwa mumala ebulekucusha, ule fwaya . . . Twalililapofye ukwenda, tila, “Na Mitotela, Shikulu.” Cetekela no mutima obe onse, kabili kabiye, no kucicetekela.

226 Bushe ulecekela ukuti Lesa ali nokukuposha ukufuma ku bwafya bwa bukali bwa filundwa, kabili nokukuleka wapola, kabili iwe nokuya ku ng’anda? Kabiye, ulecicetekela no mutima obe onse.

227 Nibanga kunse uko bacetekele, bonse? Pano napekala umwaume apa pene alendolesha. Tamulemona ulo Lubuuto ulukobeme pali uyu umwaume pano?

228 Mucine, bushe finshi file mucusha, kwina ukucila mucipimo. Ico nacilungama. Imya ukuboko kobe nga nifyo fine. Bushe naucetekela ukuti Lesa alekuposha? Umukashi obe ekele pambali yobe apo, bushe ulecekela ukuti Lesa alanjeba ici lemucusha? Bushe naucetekela? Kuti wacita ico, namayo? Bushe naucetekela ukuba kasesema Wakwe, umubomfi Wakwe? Ico cilapofwisha abantu nga mwatila “kasesema.” Bushe namuncetekela ne mubomfi Wakwe? Bushe naucetekela ukuti Lesa kuti anjeba ifyo ubwafya bobo buli? Ukubutukisha kwa mulopa. Cetekela no mutima obe onse, kabili bwena buli nokukusha, pantu naucetekela.

229 Uyu umulumendo wafita uwikele pano pa mpela ya cipuna, aletamba uwaposako amano, bushe muletontonknyapo

finshi pali ici, mukwai? Bushe naucetekela ukuti ni Lesa, we wikele apo? Wacilandolesha mukuposako amano. Nsha kwishiba. Uli mweni kuli ine. Lelo ulecushiwa no bwafya. Bushe naucetekela ukuti Lesa kuti akweba ifyo cili? Naucetekela? Bulwele bwa kukana ampana ne fintu fimo. Ico nacilungama. Bushe naucetekela ukuti Lesa ali nokukuposha? Icintu cimo icikalamba pali iwe, bumo pa mafya ayakalamba ayalekucusha iwe walipona. Ulefwaisha ukubwela kuli Lesa. Nga cacine, imyako ukuboko, elyo wise kuno. [Munyina aima nokwisa kuntanshi—Kale.] Imembu shobe nashelwela, munyina.

²³⁰ Watila, “Bushe waishiba shani palwa ico?” Umo Wine uwacinjeba ifilubene nankwe.

²³¹ Ni banga muno balefwaya imembu shabo shelelwe? Ta mwaimineko pa makasa yenu? Mulefwaya imembu shenu ukwelelwa? Nde fwayafye ukumona nga muli abacishinka ukucita ici. Namitotela. Ndetontonkanya nga cakuti teti mwise kuno noyu mwaume uwa elelwa nomba line, tila, “Ndefwaya imembu shandi shelelwe. Ndi uwacishinka pali ici?” Iwe teti . . .

²³² Moneni, kuli nafimbipo apa. Nomba, ngo kulingulula kulalingulula ubulwele namalwele, kulalingulula ulubembu. Mwa lishiba ico. Bushe kuti Na ishiba shani ukuti uyu mwaume aali umubembu? Nifyo fine, fumeni no kwisa panshi. Ifwe fye . . . Buhe mwalacita ici, pakashita akanono? Iseni mwiminine pano pa kashita akanono, tileni, “Ndefwaya ukwelelwa, munyina. Ndefwaya Lesa ukunjelela pa filubo fyandi. Ninjiluka ukuti Ndi Mukubapo Kwakwe. Nshile sakamana fintu abena mupalamano baletontonkanya. Nde—Nde isa nalyo line. Ndi uwashipikisha. Ndefwaya ukupusuka, muno munshita ya bushiku. Ni nctetekela Lesa. Ndefwaya ukwisa nomba line nokusambwa ku membu shandi shonse.”

²³³ Bushe cili icayana ukwita ba kapyunga? Bushe nibanga ba kapyunga bali muno, aba cetekela ukuti aba bantu balikwata insambu sha kupusuka ku luse lwa kwa Lesa? Nde fwaya onse kapyunga uwa cicetekela, ukwisa iminina ukushinguluka nabo nomba lintu tulepepa, onse kapyunga uwa kabila imyeo ya luba. Nsha tontonkenye ukuti Ndi nokucita ici, lelo teti Nkane uku nakila Ishiwi Lyakwe. Alinjebele ukucita ici. Limbi kuti caba umuku wakulekeleshako kuli bena, Nshi shibe.

²³⁴ Nibanga baishiba ukutila ifi efyo Ale cita lintu Aali pano pe sonde? Ninshi ici calaba ni Ena nakabili. Teti cicitike ku muntu, onse umuntu nse, ukucita icintu caba ngefyo. Tuli mu Kubapo Kwakwe. Kabili pano twa Mumona, muli ino nshita ya bushiku, ukucita . . . “Nga Ine nasumbulwa, Nka tinta bonse abantu kuli Ine.” Mwamona? Twa Mu mona pano alecita icintu cimo cine fintu Acitile lintu Aali pe sonde. Nomba teti tube abashipikisha nomba? Ingilenimo. Bushe cinshi cacitulenga

ukwisa kuno? Cinshi calengele fyonse ifi, nalyo line? Ni Lesa. Ta mucetekele ico?

²³⁵ Nde fwaya cila muntu pali ba munyina ba kapyunga ukwisa kuntanshi kabili nokubika amaboko pali cila umo pa bantu baleyebelela.

²³⁶ Nomba, we mutemwikwa munyinane, nkanshi, imwe mwe baleyebelela ku cintamba, cinshi ca cilenga imwe ukwisa? Tamwa cisa ku maka yenu. Mwishile pantu icintu cimo nacimishinina ukuti mwalilufyanya. Mulefwaya ukwelelwa. Lintu mwamona ulya uwafita umupina umulumendo, ulya umwina Ethiopia umulumendo naiminina palya, nafuma kuli Lesa, kabili Mupashi wa Mushilo asokolola ukuti Aali umu bembu. Mupashi wa Mushilo tacimitafye ukufuma pa milomo yandi, lelo Aci mita, kabili apa muli, muno nshita ya bushiku, namwiminina munshila imo ine nga fintu ulya umulumendo aiminine. Yebeleleni imembu nomba ku cinso cakwa Lesa. Cetekeleni muli Ena ne mitima yenu yonse, kabili Ali nokumyelela imembu shonse shintu mwacita, nokumibweshwa muli ino nshita ya bushiku pa kuyebelela kwenu ne senge. Ali nokucita ico nga kuti mwa Mu cetekela.

²³⁷ Nomba natukontamikeko imitwe yesu, konse konse muli ba komfwa, na bonse bapele umucinshi. Nomba natupepe. Cila muntu muyebelele imembu shenu. Aali pano. Mupashi wa Mushilo ali pano. Uyo euleita. Nomba cicetekele no mutima obe onse, yebelele ukuti na ulufyanya, Mwipushe ukukwelela. Kabili nacila muntu pali ba munyina apepele pamo naba abantu.


²³⁸ Mwe Lesa wa mu Myuulu, twaisa nomba mwi Shina lyakwa Shikulu Yesu, uku Mitotela pa luse Lwenu ulukalamba na maka ukulola kuli-ifwe, Shikulu. Ukuti ifwe, abashayana bamo, kwisamba kuno mukwapwa, ukwisala kwa nshita. Twaipusha uluse Lwenu ukuti lutwalilile, Shikulu, ukwisa panshi, mpaka umweo wakushalikisha uletwe mukati. Munshita ino iya bushiku, pamulandu wakumonekela Kwenu kuli ifwe, cilengele abantu batitikisha ukuciluka conse icabacitikila, ukwisa isa pano, ukucetekela ukuti ino e ora iyo imembu shabo shile elelwa, kabili ukuti babe abantungwa, ukufuma ino nshita ukuya kuntanshi. Cifikilisheni, Taata wa mu Myuulu. Imembu shabo shonse shingapita ukufuma pali bena.

²³⁹ Mwatile, “Abo abakesa kuli Ine Nsha katale batamfya. Nangu imembu shenu shikashike, lelo shikaaba nga tonge ya buta; isha kashika ce, lelo shika buta nge mfula ya buta.” Twatolokela panshi ye lyeshi lya Mulopa wakwa Yesu Kristu. Mukucetekela twasenda aba bantu, abaleyebelela, mu Kubapo kwakwa Lesa, mu Mulopa wa Mwana wakwa Lesa, no kubepusishako ubwelelo. Twa ipusha uku kulomba mwi Shina lya kwa Yesu. Fumyenipo ulubembu lonse noku lu bika mu busungo Bwenu, Taata. Lintu baleyebelela, babwesheni

mukushintilila pa bulayo Bwenu. Mwatile kuti Mwa cita ici, kabili Ni njishiba ukuti Muli nokucita ici. Bena Benu, Taata. Twabapela kuli Imwe, mwi Shina lya kwa Yesu Kristu.

²⁴⁰ Cila umo uwiminine ukushinguluka icipailo nomba, uyebelele ukuti cine naulufyanya; kabili uli mu Kubapo kwakwa Lesa, wa ncetekela ukuba kasesema Wakwe, kabili ukucetekela ukuti Ni nkweba Icishinka pali ici, kabili wacetekela ukuti imembu shobe nashiya; na iwe nomba, mukucetekela, naulepula ukupita mu cifimbo, ukwingila Mukubapo kwakwa Lesa, no kutila, “Shikulu, Na Micetekela nomba line, no ku Mipokelela”? Imyeni amaboko, no kutila, “Ncita ici.” Cila muntu uushingulwike icipailo, imyeni amaboko yenu nokutila, “Nacita ici. Na cicetekela.” Lesa amipale. Ameni. Iyo enshila yakucitilamo ici. Nifyo fine. Niku cicetekelofye, ukulepula ukupita ukufuma muli cilya icifimbo.

²⁴¹ Nomba lintu muli pa mushili untu mwimininepo, apo mwelelwe, nomba, ba munyina, biken amaboko yenu nakabili pali bena ukuti benga batishiwa na Mupashi wa Mushilo. Apapene mwiminine, biken amaboko pali bena nomba, no kupepa ukuti benga pokelela Mupashi wa Mushilo apapene beminine.

²⁴² Shikulu Yesu, tumeni amaka Yenu pali bena, nge cipupu icamaka icilebutuka. Tumeni nakumbi ukubwekeshapo ukwa Pentecosti; isusheni abantu, te muputule, abantu, no Mulilo wa Mupashi wa Mushilo, kabili nokwelela, kabili nokulangishiwa kwamaka, ukupitila mwi Shina lyakwa Yesu. Ameni. 

UMUNTU WASHIPIKISHA BEM64-0619
(Perseverant)

Iyi Mbila na Munyina William Marrion Branham yaletelwe intendekelo mu Cingeleshi pali Cisano mu cungulo bushiku, Akapepo kakalamba pa 19, 1964, ku Municipal Auditorium mu Topeka, Kansas, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org